

四庫全書薈要

• 乾隆御覽本

史部

資治通鑑卷一百七十五 宋 司馬光 撰

胡三省 音註

陳紀九

起重光赤奮若盡昭陽單閼凡三年

高宗宣皇帝下之下

太建十三年春正月壬午以晉安王伯恭為尚書左僕射吏部尚書袁憲為右僕射憲樞之弟也 周改元大

定 二月甲寅隋王始受相國百揆九錫

自初命至是五十一日乃

受

建臺置官

置百官也

丙辰詔進王妃獨孤氏為王后世子

勇為太子開府儀同大將軍庾季才勸隋王宜以今月

甲子應天受命

庾季才持正於宇文護擅權之時而勸進於楊氏革命之日正史之學自信其

術耳非胸中真有所見也

太傅李穆開府儀同大將軍盧賁亦勸之

於是周主下詔遜居別宮甲子命兼太傅杞公椿奉冊

大宗伯趙貳奉皇帝璽綬禪位于隋

冊冊書也周制皇帝八璽有神璽有

傳國璽皆寶而不用神璽明受之於天傳國璽明受之於運皇帝負宸則置神璽於筵前之右置傳國璽於筵前之左又有六璽其一皇帝行璽封命諸侯及三公用之其二皇帝之璽與諸侯及三公書用之其三皇帝信

璽發諸夏之兵用之其四天子行璽封命蕃國之君用之其五天子之璽與蕃國之君書用之其六天子信璽徵蕃國之兵用之六璽皆白玉為之方一寸五分高寸靖虎紐梁敬帝太平元年周閔帝受魏禪五主二十四年而亡隋主本襲封隨公故國號曰隨以周齊不遑寧處故去之作隋以之訓走故也之音綽契俱永翻璽斯氏翻絃

隋主冠遠遊冠

遠遊冠制似通天冠而前無山

音弗

王者後諸王服之主冠古玩翻

受冊璽改服紗帽黃袍

紗帽白紗帽也名高頂帽皇帝

服絳紗袍志曰開皇初高祖常服烏紗帽紀云秋七月上始服黃百寮畢賀蓋以黃為常服

入御臨

光殿服袞冕如元會之儀

元會正旦大朝會也文物充庭群官各入就位再拜上公

一人詣西階解劍升賀降階帶劍復位而拜群官在位者又再拜措笏三稱萬歲

大赦改元開

皇命有司奉冊祀于南郊

告天以受命

遣少冢宰元孝矩代

太子勇鎮洛陽

少冢宰當作小冢宰

孝矩名矩以字行天賜之孫

也

按隋書元孝矩傳祖修義不言以字行汝陰王天賜當魏太和之世距此時百餘年當考

女為太

子妃少內史崔仲方勸隋主除周六官

周定六官事始一百六十六卷

梁敬帝紹泰元年少內史當作小內史

依漢魏之舊從之置三師三公及

尚書門下內史秘書內侍五省

隋志三師不主事不置府僚蓋與天子坐而論

道者也三公參議國之大事依後齊置府僚無其人則闕祭祀則太尉亞獻司徒奉俎司空行掃除其位多曠皆攝行事尋省府及僚佐置公則坐於尚書都省朝之衆務總歸於臺閣尚書省事無不總置令左右僕射各

一人總吏部禮部兵部都官度支工部六曹事屬官左右丞各一人都事八人分司管轄六曹尚書分統三十六侍郎各司曹務直宿禁省如漢之制門下省置納言給事黃門侍郎散騎常侍侍郎通直員外諫議大夫等官內史省置監令侍郎舍人等官秘書省置監丞郎等官領著作太史二曹內史省即中書省避武元諱改曰內史門下內史二省主出納朝直代言猶有御史都水藏事祕書省較優閑內侍省則皆宦官也

御史都水

二臺

御史臺置大夫治書侍御史侍御史殿內侍御史監察御史臺置使臣及丞參軍河堤謁

者又領掌船局及諸津都水尉津尉丞長等官

太常等十一寺

太常光祿衛尉宗正太僕大理

鴻臚司農太府九寺並置卿少卿丞主簿錄事等員國子寺置祭酒屬官有主簿錄事國子太學四門書等學各置博士助教將作寺置大匠丞主簿錄事統左右校署令

左右衛等十二府

左右衛左右

右武衛左右武候左右領左右左右監門左右領軍各
置大將軍將軍長史司馬錄事功倉兵騎等曹參軍法
曹鎭曹行參軍以分司統職又置上柱國至都督十一
行參軍等員

等勲官以酌勤勞

隋採後周之制置上柱國柱國上大將軍大將軍上開府儀同三司開府

儀同三司上儀同三司儀同三司大都督帥都督都督總十一等

特進至朝散大夫七

等散官

特進左右光祿大夫金紫光祿大夫銀青光祿大夫朝議大夫朝散大夫總七等朝直通朝散

志重以加文武官之有德聲者改侍中為納言

以考諱志故改

侍中為納言

以相國司馬高類為尚書左僕射兼納言

類古通翻

射音夜

相國司錄京兆虞慶則為內史監兼吏部尚書相

國內郎李德林為內史令乙丑追尊皇考為武元皇帝

相息亮翻相國內郎相國府從事中郎

避諱改為內郎皇考周隨國桓公楊忠

廟號太祖皇妣

呂氏為元明皇后丙寅修廟社

時自高祖以下置四親廟同殿異室而已無受

命之祧社稷並列

于含光門內之右

立王后獨孤為皇后

獨孤之下

王太

子勇為皇太子丁卯以太尉趙襲為尚書右僕射己巳

封周靜帝為介公

襲居永朝周主雖禪死乃有諡通鑑先以諡書之介古國名

周氏

諸王皆降爵為公初劉鄭矯詔以隋主輔政

劉鄭劉昉鄭譯也矯

詔事見上

楊后雖不預謀然以嗣子幼冲恐權在它族

聞之甚喜後知其父有異圖意頗不平形於言色及禪

位憤惋逾甚

嗣祥吏翻
悅高憤翻

隋主內甚愧之改封樂平公主

樂平郡公主五代志太原郡
樂平縣舊置樂平郡樂音洛

久之欲奪其志公主誓不

許乃止隋主與周載下大夫北平榮建緒有舊

載下逸
師字後

周置載師之官屬地官有中大夫有下大夫北
平郡治盧龍榮姓出周榮公莊子有榮啟期

隋主將

受禪建緒為息州刺史

五代志汝南郡新息縣後魏置
東豫州梁改西豫州又改淮州

東魏復曰東豫州
後周改曰息州

將之官隋主謂曰且躊躇

躊直由翻
躊陳如翻

佳足

當共取富貴建緒正色曰明公此旨非僕所聞及

即位來朝帝謂之曰卿亦悔不

朝直逞翻不讀曰否

建緒稽首曰

臣位非徐廣情類楊彪

稽音啟徐廣事見一百一十九卷宋高祖永初元年楊彪事見

六十九卷魏文

帝笑曰朕雖不曉書語亦知卿此言不

帝黃初二年

遜上柱國竇毅之女聞隋受禪自投堂下撫膺太息曰

恨我不為男子救舅氏之患

撫與拊同拍也膺胸也太息憤而舒氣長也

毅

及襄陽公主掩其口曰汝勿妄言滅吾族毅由是奇之

及長以適唐公李淵淵昞之子也

昞周柱國李虎之子李淵始見于此長知

兩翻昞音丙

虞慶則勸隋主盡滅宇文氏高穎楊惠亦依違

從之

依違者不敢言其不可而心不以為可

李德林固爭以為不可隋主

作色曰君書生不足與議此於是周太祖孫譙公乾憚

冀公綯

憚於粉綯許縣綯

閔帝子紀公湜

湜常職綯

明帝子鄴公貞

宋公寔高祖子漢公贇秦公贇曹公允道公充蔡公允

荊公元宣帝子萊公衍郢公術皆死

通鑑書宣帝子衍始終備但目錄書

大成元年立太子衍亦自背馳

德林由此品位不進

乙亥上耕藉田

藉在亦翻

隋主封其弟邵公慧為滕王安公奐為衛王

邵安

皆以刑為封國

子鴈門公廣為晉王俊為秦王秀為越王諒為

漢王 隋主賜李穆詔曰公既舊德且又父黨

李穆與隋主之

父忠比肩事周皆為功臣

敬惠來旨義無有違

謂穆勸之受命也

即以今月

十三日恭膺天命

孔安國曰膺當也

俄而穆入朝

自并州入朝朝直遙翻

帝以穆為太師贊拜不名子孫雖在襁褓

襁居兩翻負兒衣褓博抱

翻抱兒衣悉拜儀同一門執象笏者百餘人

隋志曰案禮笏諸侯以象凡有

指畫於君前用笏受命書於笏笏畢用也五經要義曰所以紀事防忽忘禮圖云度二尺有六寸中博二寸其殺六分去一晉宋以來謂之手板此乃不經今還謂之笏以法古名自西魏以降五品以上通用象牙六品以下兼用竹木

貴盛無比又以上柱國竇熾為太傅幽州

笏呼骨翻

摠管于翼為太尉李穆上表乞骸骨

人臣致身以事君身非已有故求開

者自言乞骸骨上時掌翻

詔曰呂尚以期頤佐周

記百年日期頤呂尚遇文王年八十

矣佐文王以及武王則是期頤之年也

張蒼以華皓相漢

華皓謂白首也張蒼免相後口

中無齒食乳年百餘歲乃卒

高才命世不拘常禮仍以穆年耆敕蠲

朝集

蠲免也朝集猶言朝會也朝直遙翻

有大事就第詢訪

用古人欲有謀焉則就之

之意隋主姑以是恩李穆耳非欲與之大有為也

美陽公蘇威

美陽古縣名漢晉屬扶風五代

志不見蓋已省廢姑以古縣名封爵之耳

綽之子也

蘇綽佐宇文泰以興周

少有令名

周晉公護強以女妻之

少詩照翻強其兩翻妻七細翻

威見護專權恐

禍及已屏居山寺以諷讀為娛

屏必耶翻

周高祖聞其賢除

車騎大將軍儀同三司

騎奇寄翻

又除稍伯下大夫

稍所數翻

皆

辭疾不拜宣帝就除開府儀同大將軍隋主為丞相高

頴薦之隋主召見與語大悅居月餘聞將受禪遁歸田

里

觀燕威之初其立身何可議哉至于末節展轉于宇文化及李密王世充之朝何其可鄙也君子是以知

令終之難

頴請追之

追者尋其後而召之

隋主曰此不欲預吾事耳置

之及受禪徵拜太子少保追封其父為邳公

邳亦以州名為公國

少始照翻

以威襲爵

丁丑隋以晉王廣為并州總管三月

戊子以上開府儀同三司賀若弼為吳州總管鎮廣陵

考異曰隋書帝紀云楚州今從弼傳

和州刺史河南韓擒虎為廬州總管

鎮廬江

廣陵為吳州仍周舊也歷陽為和州仍齊舊也隋書韓擒虎河東垣人河南當作河東五代志

廬江郡梁置南豫州又改合州開皇初改廬州蓋梁之南豫合州皆治合肥合州因合肥而名也廬江在合肥

東五十里既徙治廬江故以廬名州若人者翻

隋主有并吞江南之志問將帥

於高潁

將即亮翻帥所類翻

潁薦弼與擒虎故置於南邊使潛為

經略戊戌以太子少保蘇威兼納言度支尚書

度支尚書統度

支戶部金部倉部度徒洛翻

初蘇綽在西魏以國用不足制征稅法

頗重

後周太祖作相置載師掌任土之法辨夫家田里之數會六畜車乘之稽審賦役故弛之節制畿疆

修廣之域頒施惠之要審牧產之政司均掌田里之政令凡人口十已上宅五畝口九已上宅四畝口五已下宅三畝有室者田百四十畝丁者田百畝司賦掌功賦之政令凡人自十八以至六十有四與輕癯者皆賦之其賦之法有室者歲不過絹一疋綿八兩粟五斛丁者半之其非桑土有室者布一疋麻十斤丁者又半之豐年則全賦中年半之下年一之皆以時徵焉若艱荒凶札則不徵其賦又有市門之稅自今觀之亦不為重矣而蕪綿猶望後之人弛之可謂有志于民矣

既而歎曰今所為者譬如張弓

非平世法也後之君子誰能弛之威聞其言每以為已

任至是奏減賦役務從輕簡隋主悉從之

蘇威為度支尚書居可言

可行之地漸見親重與高頴參掌朝政

朝直

帝嘗怒一人將

殺之威入閣進諫帝不納將自出斬之威當帝前不去

帝避之而出威又遮止帝拂衣而入良久乃召威謝曰

公能若是吾無憂矣賜馬二匹錢十餘萬尋復兼大理

卿京兆尹御史大夫本官悉如故治書侍御史安定梁

毗以威兼領五職

漢宣帝幸宣室齋居決事令侍御史二人治書侍側魏晉因別置治書侍

御史安定郡涇州五職納言度支尚書大理卿京兆尹御史大夫也治平聲

安繁戀劇無舉

賢自代之心抗表劾威

劾戶慨翻又戶得翻

帝曰蘇威朝夕孜孜

孜孜不志存遠大何遽迫之因謂朝臣曰蘇威不值我
急也

無以措其言我不得蘇威何以行其道楊素才辯無雙

至於斟酌古今助我宣化非威之匹也
匹偶也威若逢亂

世南山四皓豈易屈哉
四皓東園公綺里季夏黃公角里先生遭秦之亂隱于南山鬚

眉皓白故曰四皓商山在長安南故曰南山威嘗言於
隋主以蘇威隱避於周世故云然易以鼓翻

帝曰臣先人每戒臣云
先人謂威父綽唯讀孝經一卷足以立

身治國何用多為帝深然之
治直之翻下同高頴深避權勢上

表遜位
上時掌翻讓於蘇威帝欲成其美
成其讓賢之美聽解僕射

數日帝曰蘇威高蹈前朝

前朝謂周朝高蹈謂其隱遯不仕蹈踐也履也高蹈言踐

履之高朝

頰能推舉吾聞進賢受上賞

漢武帝詔曰進賢受上賞蔽賢

直廷翻

蒙顯戮古之道也

寧可使之去官命頰復位頰威同心協贊政

刑大小帝無不與之謀議然後行之故革命數年天下

稱平太子左庶子盧賁以頰威執政心甚不平時柱國

劉昉亦被疎忌賁因諷昉及上柱國元諧李詢華州刺

史張賓等謀黜頰威

五代志京兆郡鄭縣後魏置東雍州并華山郡西魏改曰華州昉甫

兩翻被皮義翻華戶化翻

五人相與輔政又以晉王廣有寵於帝私

謂太子曰賁欲數謁殿下

數所角翻

恐為上所譴願察區區

之心謀洩帝窮治其事

治直之翻

昉等委臯於賓賁公卿奏

二人當死帝以故舊不忍誅並除名為民

二人皆翼戴隋主于潛躍

者也張賓道士也隋主作輔賓自言洞曉星歷感言有代謝之徵且言上儀表非人臣之相由是大被知遇常在幕

庚子隋詔前代品爵皆依舊不降

此普謂中外官也

丁未梁主遣其弟太宰巖入賀于隋

賀受命也

夏四月辛

巳隋大赦戊戌悉放太常散樂為民仍禁雜戲

後齊之季有散

樂周天元即位悉徵詣長安隸太常隋今放之

散騎常侍韋鼎兼通直散騎

常侍王瑳聘于周

散悉重翻騎奇寄翻
瑳七何翻又七可翻

辛丑至長安隋

已受禪隋主致之介國

說文致送詣也
周主時封介公

隋主召汾州

刺史韋冲為兼散騎常侍

五代志文城郡東魏置南汾
州後周改為汾州散悉重翻

時發稽胡築長城

按隋紀時修築
長城二旬而罷

汾州胡千餘人在塗

亡叛帝召冲問計對曰夷狄之性易為反覆

易以
鼓翻

皆由

牧宰不稱之所致

稱尺
證翻

臣請以理綏靜可不勞兵而定

帝然之命冲綏懷叛者月餘皆至並赴長城之役冲賈

之子也

賈見一百六十七卷
周高祖永定三年

五月戊午隋封邗公雄

為廣平王

按隋書此即邗公惠也改名雄開皇中改封清漳王仁壽初改封安德王大業中從征吐

谷渾還進封觀王薨諡曰德後所謂

永康公引為河間

觀德王雄者是也邗當作邗音寒

王

永康縣公也五代志清化郡永穆縣梁置曰永康

雄高祖之族子也 隋主

潛害周靜帝而為之舉哀

為于偽朝

葬于恭陵以其族人洛

為嗣六月癸未隋詔郊廟冕服必依禮經

隋制冕服採用東齊之法

乘輿衮冕垂白珠十有二旒以組為纓色如其綬黼纁

充耳玉弁玄衣纁裳衣山龍華蟲火宗彝五章裳藻粉

朱黼黻四章衣重宗彝裳重黼黻為十二等衣標領織

成升龍白紗內單黼領青標襖裾革帶玉鈎釧大帶素

帶朱裏紃其外上以朱下以綠紃隨裳色龍火山三章

鹿盧玉具釧火珠鏤首白玉雙佩玄組雙大綬六采玄

黃青白縹綠純玄質長二丈四尺五百首廣一尺小雙
綬長二尺六寸色同大綬而首半之間施三玉環朱轡
赤舄舄加金飾凡綬先合單紃為一絲絲四為一扶扶
五為一首首五成一文褱皮小翻襪離免翻鞞丑例翻
又敕列翻純音卑緣也縹純招翻說其朝會之服旗幟
文刀削末銅也縹匹治翻紃甫周翻

犧牲皆尚赤

隋自以為得火德故尚赤色
朝直遙翻下同熾昌志翻

戎服以黃常

服通用雜色秋七月乙卯隋主始服黃百僚畢賀于是

百官常服同於庶人皆著黃袍

著則略翻

隋主朝服亦如之

唯以十三錄帶為異八月壬午隋廢東京官

周徙相州六府

於東京事見一百七十三卷大建十一年

吐谷渾寇涼州

涼州武威郡吐從敝入聲谷音

浴隋主遣行軍元帥樂安公元諧等步騎數萬擊之諧

擊破吐谷渾於豐利山

豐利山在青海東帥所類翻騎奇寄翻

又敗其太

子可博汗於青海

青海在吐谷渾國都伏俟城之東十五里周迴千餘里中有小山唐時謂

之龍駒島敗補邁翻可從刊入聲汗音寒

俘斬萬計吐谷渾震駭其王侯三

十人各帥所部來降吐谷渾可汗夸呂帥親兵遠遁

帥讀

曰率降戶江翻

隋主以其高寧王移茲裒為河南王

裒薄侯翻

使統

降衆以元諧為寧州刺史

五代志北地郡後魏置幽州西魏改為寧州

留行

軍摠管賀婁子幹鎮涼州

九月庚午將軍周羅睺攻

隋故墅拔之

故墅當作胡墅胡墅在大江北岸對石頭城喉音侯墅承與翻

蕭摩訶攻

江北

隋奉車都尉于宣敏

漢武帝置三都尉奉車駙馬騎也

奉使巴

蜀還

使疏吏翻還音旋又如字

奏稱蜀土沃饒人物殷阜周德之衰

遂成戎首

謂王謙以益州起兵也

宜樹建藩屏封殖子孫

屏必鄧翻

隋

主善之辛未以越王秀為益州總管改封蜀王

為秀在蜀以奢

僭得罪張本

宣敏謹之孫也

于謹周之功臣

隋以上柱國長孫覽

元景山並為行軍元帥

長知兩翻帥所類翻

發兵入寇命尚書左

僕射高潁節度諸軍

初周齊所鑄錢凡四等及民間

私錢名品甚衆

五代志齊文宣受禪改鑄常平五銖重如其文其錢甚貴且製造甚精至乾明

皇建之間往往私鑄鄴中用錢有赤熟青熟細眉赤生之異河南所用有青薄鉛錫之別青齊徐兗梁豫州輩類各殊武平已後私鑄轉甚或以生鐵和銅至于齊亡卒不能禁後周之初尚用魏錢及武帝保定元年乃更鑄布泉之錢以一當五與五銖並行時梁益之境又雜用古錢交易河西諸郡或用西域金銀之錢而官不禁建德三年更鑄五行大布錢以一當十與布泉並行五年以布泉漸賤遂廢之齊平已後山東猶雜用齊氏舊錢宣帝大象元年又鑄永通萬國錢以一當千與五行大布及五銖凡三品並用

輕重不等隋

主患之更鑄五銖錢背面肉好皆有周郭

錢之文為面其漫為背錢

體為肉錢孔為好外圓周之以規內方周之以矩曰周郭更工衡翻肉而牧翻好虛到翻

每一千重

四斤二兩悉禁古錢及私錢置樣於闕不如樣者沒官銷毀之自是錢幣始壹民間便之 隋鄭譯以上柱國

歸第賞賜豐厚譯自以被疎呼道士醮章祈福

道士有消災度

厄之法依陰陽五行數術推人年命書之如章表之儀并具贄幣燒香陳讀云奏上天曹請為除厄謂之上章夜中於星辰之下陳設酒果麴餌幣物歷祀天皇太乙五星列宿為書如上章之儀以奏之名為醮被皮義翻

醮子肖翻為婢所告以為巫蠱譯又與母別居為憲司所劾

憲司御史臺官劾戶槩翻又戶得翻

由是除名隋主下詔曰譯若留之於

世在人為不道之臣戮之於朝入地為不孝之鬼有累

幽顯無所置之

朝直遙翻
累力瑞翻

宜賜以孝經令其熟讀仍遣

與母共居

初周法比於齊律煩而不要隋主命高頴

鄭譯及上柱國楊素率更令裴政等

太子率更令魏晉
之制主宮殿門戶

及掌罰事職如光祿勳衛尉隋制
掌伎樂漏刻率如字更工衛翻

更加修定政練習典

故達於從政乃采魏晉舊律下至齊梁沿革重輕

累世
循襲

者為公中有
變更者為革

取其折衷

衷竹
仲翻

時同修者十餘人凡有疑

滯皆取決於政于是去前世梟輶及鞭法

梟者斬首掛
之木上輶者

車戾于市梁制有制鞭法鞭常鞭凡三等之差制鞭生
革廉成法鞭生革去廉常鞭熟鞣不去廉皆作鶴頭紐

長一尺一寸梢長二尺七寸廣三寸鞞長二尺五寸去羌呂翻桌古堯翻轅戶闕翻又戶慣翻 自非謀

叛以上無收族之罪始制死刑二絞斬流刑三自二千

里至三千里

按隋志流刑三有千里千五百里二千里應配者一千里居作二年一千五百里居

作二年半二千里居作三年應住居作者三流俱役三年近流加杖一百一等加三十此云自二千里至三千里不

徒刑五自一年至三年

徒刑有一年有一年半有二年有二年半有三年

杖刑五自六十至百笞刑五自十至五十又制議請減

贖官當之科以優士大夫

議即周禮八議之法請者凡在八議之科則請之減者官

品第七已上犯罪皆例減一等其品第九已上犯者聽贖應贖者皆以銅代絹贖銅一斤為負負十為殿笞十

者銅一斤加至杖百則十斤徒一年贖銅二十斤每等則加銅十斤三年則六十斤矣流一千里贖銅八十斤每等則加銅十斤二千里則百斤矣二死皆贖銅百二十斤犯私罪以官當徒者五品以上一官當徒二年九品以上一官當徒一年當流者三流同比徒三年若犯公罪者徒各加一年當流者各加一等其累徒過九年者流三千里孔穎達曰古之贖罪用銅漢始改用黃金但少其斤兩令與銅相敵後魏以金難得令金一兩收絹十匹隋復依古贖銅

除前世訊囚酷法考掠不得過二百

時有司用

前世訊囚之法用大棒束杖車輻鞵底壓蹀杖枕之屬考擊也掠音亮笞也

枷杖大小咸有

程式民有枉屈縣不為理者聽以次經郡及州若仍不

為理聽詣闕伸訴

枷居牙翻為于為翻

冬十月戊子始行新律詔

曰夫絞以致斃斬則殊形

扶夫音

除惡之體於斯已極梟

首輟身義無所取不益懲肅之理徒表安忍之懷

忍殘忍也

安忍安于為殘忍之事

鞭之為用殘剥膚體徹骨侵肌

徹救列翻

酷均

臠切雖云往古之式

典曰鞭作官刑故云往古之式

事乖仁者之刑

梟輟及鞭並令去之貴帶礪之書不當徒罰

令力丁翻使也去羌

呂翻漢高帝分封功臣與之剖符作誓曰使黃河如帶泰山若礪國以永存爰及苗裔

廣軒冕之

蔭旁及諸親

服冕乘軒貴仕也

流役六年改為五載

載作亥翻

刑徒

五歲變從三祀

祀亦年也

其餘以輕代重化死為生條目甚

多備於簡策雜格嚴科並宜除削自是法制遂定後世

多遵用之

宋朝所行之刑統舊所傳者也

隋主嘗怒一郎於殿前笞之

諫議大夫劉行本進曰此人素清其過又小願少寬之

笞丑之翻少詩治翻

帝不顧行本於是正當帝前曰陛下不以臣

不肖置臣左右臣言若是陛下安得不聽若非當致之

於理

送詣大理寺治其罪

因置笏於地而退帝斂容謝之遂原所

笞者行本璠之兄子也

劉璠自梁入西魏見一百六十卷梁元年承聖元年笞丑之

翻璠音煩又扶元翻

獨孤皇后家世貴盛

后父獨孤信仕西魏以及周列於元功后姊為

周明帝后女
為周宣帝后

而能謙恭雅好讀書

好呼到翻

言事多與隋主

意合帝甚寵憚之宮中稱為二聖帝每臨朝

朝直遙翻下同

后

輒與帝方輦而進

方輦并兩輦也

至閣乃止使宦官伺帝政有

所失隨即匡諫

伺相吏翻

候帝退朝同反燕寢

朝直遙翻燕寢燕居之寢

有司奏稱周禮百官之妻命於王后請依古制后曰婦

人與政或從此為漸不可開其源也

與讀曰預

大都督崔長

仁后之中外兄弟也犯法當斬帝以后故欲免其梟后

曰國家之事焉可顧私

焉於度翻

長仁竟坐死后性儉約帝

嘗合止利藥

泄瀉不禁者
曰利合音閤

須胡粉一兩宮內不用求之

竟不得又欲賜柱國劉嵩妻織成衣領宮內亦無之然

帝懲周氏之失不以權任假借外戚后兄弟不過將軍

刺史帝外家呂氏濟南人

五代志齊郡歷城縣
置濟南郡濟子禮翻

素微賤

齊亡以來帝求訪不知所在

齊之未亡濟南之地屬齊
不可得而求訪故齊亡始

訪之及即位始求得舅子呂永吉追贈外祖雙周為太尉

封齊郡公以永吉襲爵永吉從父道貴性尤頑駮

從才
用翻

駮五駮
翻癡也

言詞鄙陋帝厚加供給而不許接對朝士

朝直
遙翻

拜上儀同三司出為濟南太守

守式又翻

後郡廢終于家

壬辰隋主如岐州

隋志扶風郡舊置岐州

岐州刺史安定梁彥光

有惠政隋主下詔褒美賜束帛及御傘

傘與繖同先肝翻又蕪旱翻蓋

也以厲天下之吏久之徙相州刺史

相恭亮翻下同

岐俗質厚

彥光以靜鎮之奏課連為天下最

奏課奏計帳及輸籍也

及居相

部如岐州法鄴自齊亡衣冠士人多遷入關唯工商樂

戶移實州郭

城外曰郭釋名郭廓也廓落在城外也

風俗險詖好興謠訟

詖彼義翻好呼到翻

目彥光為著帽錫

錫飴也錫軟而甘言彥光為人軟美如團錫特著帽

耳孔頴達曰凡飴謂之飴閩東之通語也方言
曰飴謂之張皇或云滑飴者則略翻飴徐盈翻

帝聞之

免彥光官歲餘拜趙州刺史

五代志趙郡大陸縣舊曰廣阿置殷州及南鉅鹿郡

後改南趙郡
改州為趙州

彥光自請復為相州帝許之豪猾聞彥光

再來皆嗤之

嗤丑之
嘲笑也

彥光至發摘姦伏

摘他狄翻
發也動也

有若

神明豪猾潛竄闔境大治

治直
吏翻

於是招致名儒每鄉立

學親臨策試褒勤黜怠及舉秀才祖道於郊以財物資

之於是風化大變吏民感悅無復訟者

史因岐州之政
終言彥光歷刺

他州事後
扶又翻

時又有相州刺史陳留樊叔畧有異政帝以

璽書褒美班示天下徵拜司農

按樊叔略傳徵拜司農卿璽斯氏翻

新豐

令房恭懿

新豐縣自漢以來屬京兆

政為三輔之最帝賜以粟帛雍

州諸縣令朝謁

雍於用翻朝直遙翻下同

帝見恭懿必呼至榻前咨

以治民之術累遷德州司馬

五代志平原郡開皇九年置德州治直之翻

帝

謂諸州朝集使曰

隋志每元會諸州悉遣使赴京師朝集謂之朝集使使疏更翻

房恭

懿志存體國愛養我民此乃上天宗廟之所祐朕若置

而不賞上天宗廟必當責我卿等宜師範之因擢為海

州刺史

海州東海郡

由是州縣吏多稱職百姓富庶

樊叔略房恭懿

之被褒擢非必皆是年事通鑑因梁彥光事悉書
於此以見開皇之治以賞良吏而成稱尺證翻

十

一月丁卯隋遣兼散騎侍郎鄭撫來聘

散老重翻騎奇寄翻撫許為翻

十二月庚子隋主還長安復鄭譯官爵廣州刺史馬

靖

廣州治番昌

得嶺表人心兵甲精練數有戰功

數所角翻

朝廷

疑之遣吏部侍郎蕭引觀靖舉措諷令送質

朝直遣翻令力丁翻

質音致外託收督賏物

賏吐濫翻蜚蜚所輸貨物曰賏一曰夷人以財贖罪曰賏

引至

番禺

番禺音潘恩

靖即遣子弟入質

是歲隋主詔境內之

民任聽出家仍令計口出錢營造經像於是時俗隨風

而靡民間佛書多於六經數十百倍 突厥佗鉢可汗

病且卒

厥九勿翻佗徒何翻可從刊入聲汗音寒卒子恤翻

謂其子菴邏曰吾兄

不立其子委位於我

事見一百七十一卷太建四年邏郎佐翻突厥傳作菴羅

我死

汝曹當避大邏便

大邏便者木杆之子杜佑曰突厥以勇健者為莫賀弗肥麗者為大羅便

大羅便酒器也似角而麗短體貌似之故以為號此官特貴唯其子弟為之

及卒國人將立

大邏便以其母賤眾不服菴邏實貴

隋書作菴羅母貴當從之

突厥

素重之攝圖最後至謂國人曰若立菴邏者我當帥兄

弟事之

帥讀曰率

若立大邏便我必守境利必長矛以相待

攝圖長且雄勇國人莫敢拒

攝圖為小可汗統東面部落又逸可汗之子故長長

知兩翻

竟立菴邏為嗣大邏便不得立心不服菴邏每遣

人詈辱之

詈力智翻

菴邏不能制因以國讓攝圖國中相與

議曰四可汗子

四可汗謂逸可汗及木杆可汗禰但可汗佗鉢可汗

攝圖最賢共

迎立之

考異曰隋突厥傳云木杆在位二十年卒佗鉢在位十年卒按周傳魏廢帝二年三月科羅

獻馬木杆猶未立建德二年佗鉢獻馬然則木杆以承聖二年立太建四年卒佗鉢以其年立十三年卒也

號沙鉢略可汗居都斤山菴邏降居獨洛水稱第二可

汗

都斤山獨洛水皆突厥中地名第二可汗言其位次沙鉢略也

大邏便乃謂沙鉢略

曰我與爾俱可汗子各承父後爾今極尊我獨無位何也沙鉢略患之以為阿波可汗還領所部又沙鉢略從父玷厥居西面號達頭可汗

從才用翻玷丁念翻厥九勿翻

諸可汗各

統部衆分居四面沙鉢略勇而得衆北方皆畏附之隋

主既立待突厥禮薄突厥大怨千金公主傷其宗祀覆

滅日夜言於沙鉢略請為周室復讐

遣千金公主嫁突厥見上卷十二年

為于偽翻沙鉢略謂其臣曰我周之親也今隋主自立而不

能制復何面目見可賀敦乎

復扶又翻突厥之君長稱可汗其妻稱可賀敦

乃

與故齊營州刺史高寶寧合兵為寇隋主患之敕緣邊

修保障峻長城命上柱國武威陰壽鎮幽州京兆尹虞

慶則鎮并州屯兵數萬以備之初奉車都尉長孫晟送

千金公主入突厥

長知兩翻
晟成正翻

突厥可汗愛其善射留之

竟歲命諸子弟貴人與之親友冀得其射法沙鉢略弟

處羅侯號突利設尤得衆心為沙鉢略所忌密託心腹

陰與晟盟晟與之遊獵因察山川形勢部衆彊弱靡不

知之及突厥入寇晟上書曰今諸夏雖安

上時掌翻
夏戶雅翻

戎

虜尚梗興師致討未是其時并於度外又相侵擾

此二語明

指出當時利病今人多上書言時事勝口說耳

故宜密運籌策有以攘之

下方是歲

獻玷厥之於攝圖兵彊而位下外名相屬內隙已彰鼓

動其情必將自戰又處羅侯者攝圖之弟姦多勢弱

言其

心多奸巧而形勢甚弱

曲取衆心國人愛之因為攝圖所忌其心

殊不自安迹示彌縫實懷疑懼又阿波首鼠介在其間

漢書首鼠兩端

頗畏攝圖受其牽率

左傳牽率老夫

唯彊是與未有定

心今宜遠交而近攻

史記范雎說秦王之言

離彊而合弱通使玷

厥說合阿波

使疏吏翻說翰芮翻今人言說合二字說音如字合音閣

則攝圖廻兵

自防右地

右地突厥西面地也

又引處羅遣連奚雪

奚庫莫奚雪又一種音

習則攝圖分衆還備左方

左方突厥東面地也

首尾猜嫌腹心離

阻十數年後乘豐討之

豐許觀翻

必可一舉而空其國矣帝

省表大悅

省恙景翻

因召與語晟復口陳形勢

復扶又翻

手畫山

川寫其虛實皆如指掌帝深嗟異皆納用之遣太僕元

暉出伊吾道詣達頭賜以狼頭纛

太僕太僕卿也伊吾即漢伊吾盧之地突

厥之先狼種也子孫為君長牙門建狼頭纛示不忘本也

纛徒到翻達頭使來引居沙鉢

略使上

使疏吏翻

以晟為車騎將軍出黃龍道

黃龍即和龍今黃龍府即

其地時為高寶寧

所據騎奇寄翻 齋幣賜奚霫契丹

奚本曰庫莫奚東部胡之種也為慕

容氏所破遺落竄匿松漠之間後稍強盛霫匈奴之別

種也居潢水北契丹之先與奚同種而異類並為慕容

氏所破俱竄松漠之間其後稍大居黃龍

之北數百里契欺訖翻又音喫齋則兮翻 遣為鄉導

鄉讀 曰得至處羅侯所深布心腹誘之內附

誘音

反間既行

問古 果相猜貳 始興王叔陵太子之次第也與太子

覓翻

異母母曰彭貴人叔陵為江州刺史性苛刻狡險新安

王伯固以善諧諛有寵於上及太子

諛虛約翻

叔陵疾之陰

求其過失欲中之以法

中竹仲翻

叔陵入為楊州刺史事務

多關涉省閣

省閣謂中書尚書二省

執事承意順旨即諷上進用

之微致違忤必抵以大臯重者至殊死

身首異處為殊死忤五故翻

伯固憚之乃詔求其意叔陵好發古墓伯固好射雉

好呼

到翻射而亦翻

常相從郊野大相款狎因密圖不軌伯固為侍

中每得密語必告叔陵

十四年春正月己酉上不豫太子與始興王叔陵長沙

王叔堅並入侍疾叔陵陰有異志命典藥吏曰切藥刀

甚鈍可礪之甲寅上殂倉猝之際叔陵命左右於外取

劍左右弗悟取朝服木劍以進

朝服帶劍以為儀飾非求其適用故為木劍朝

直遙

叔陵怒

怒其不能會己意

叔堅在側聞之疑有變伺其所

為

同相吏翻

乙卯小斂

斂力聘翻

太子哀哭俯伏叔陵抽剡藥刀

斫太子中項

中竹仲翻

太子悶絕于地母柳皇后走來救之

又斫后數下乳媪吳氏自後掣其肘

媪烏皓翻掣昌列翻

太子乃

得起叔陵持太子衣太子自奮得免叔堅手搯叔陵奪

去其刀仍牽就柱以其褶袖縛之

搯於革翻去羌呂翻褶音習布褶衣也今

之寬袖山海經註魏母丘儉破高句麗遣王頌窮追過
汗沮千餘里彼人言海中有長臂人近於海中得布褶
衣兩袖各長三丈有餘則知所謂褶衣有自來矣時吳媼已扶太子避賊叔堅

求太子所在欲受生殺之命叔陵多力奮袖得脫突走

出雲龍門馳車還東府召左右斷青溪道

斷音短

赦東城

囚以充戰士

東城即東府城

散金帛賞賜又遣人往新林追所

部兵仍自被甲著白布帽

被皮義翻著則略翻

登城西門招募百

姓又召諸王將帥

將即亮翻帥所類翻

莫有至者唯新安王伯固

單馬赴之助叔陵指揮叔陵兵可千人欲據城自守時

衆軍並緣江防守臺內空虚叔堅白柳后使太子舍人

河內司馬申以太子命名右衛將軍蕭摩訶入見受敕

見賢通翻帥馬步數百趣東府帥讀曰率下同屯城西門叔

陵惶恐遣記室韋諒送其鼓吹與摩訶吹昌瑞翻謂曰事捷

必以公為台輔摩訶給報之曰須王心膂節將自來方

敢從命給徒亥翻將即亮翻叔陵遣其所親戴溫譚驎驎詣摩訶

譚徒含翻春秋齊滅譚子孫以國為氏驎離珍翻摩訶執以送臺斬其首徇東

城叔陵自知不濟入內沈其妃張氏及寵妾七人于井

沈持帥步騎數百自小航度

六朝都建業航秦淮而度者非一處當朱雀門者為

大航當東府門者為小航騎奇寄翻下同航戶剛翻

欲趣新林乘舟奔隋行至白

楊路為臺軍所邀伯固見兵至旋避入巷叔陵馳騎拔

刃追之伯固復還叔陵部下多弃甲潰去摩訶馬容陳

智深迎刺叔陵僵仆陳仲華就斬其首

軍行擇便於鞍馬驅幹壯偉者

乘馬居前以壯軍容謂之馬容刺七亦翻

伯固為亂兵所殺自寅至巳乃定

叔陵諸子並賜死伯固諸子宥為庶人韋諒及前衡陽

內史彭嵩

五代志長沙郡衡山縣舊置衡陽郡陳為王國故置內史嵩古老翻

詔議參軍

兼記室鄭信典籤俞公喜並伏誅舅叔陵舅也信諒有

寵於叔陵常參謀議諒粲之子也

韋粲梁臣死於侯景之難

丁巳太

子即皇帝位大赦

辛酉隋置河北道行臺於并州以

晉王廣為尚書令

并州治晉陽

置西南道行臺於益州以蜀

王秀為尚書令隋主懲周氏孤弱而亡故使二子分蒞

方面以二王年少

少詩照翻

盛選貞良有才望者為之僚佐

以靈州刺史王韶為并省右僕射

五代志靈武郡後魏置靈州按靈州漢北

地郡富平縣地赫連勃勃之果園後魏置靈州取靈武郡名之注又見前

鴻臚卿趙郡李雄

為兵部尚書

五代志趙郡治平棘李雄
趙郡高邑人隴陵如翻

左武衛將軍朔

方李徹總晉王府軍事

朔方郡夏州李
徹朔方巖綠人

兵部尚書元巖

為益州總管府長史王韶李雄元巖俱有骨鯁名李徹

前朝舊將

李徹事周征吐谷渾平齊
定淮南皆有功朝直遥翻

故用之初李雄家

世以學業自通雄獨習騎射

騎奇寄
翻下同

其兄子旦讓之曰

非士大夫之素業也雄曰自古聖賢文武不備而能成

其功業者鮮矣

鮮息
淺翻

雄雖不敏頗觀前志但不守章句

耳既文且武兄何病焉及將如并省帝謂雄曰吾兒更

事未多

更工
衡翻

以卿兼文武才吾無北顧之憂矣二王欲

為奢侈非法韶嚴輒不奉教或自鎖或排閤切諫二王

甚憚之每事諮而後行不敢違法度帝聞而賞之

隋文
帝擇

人以輔其子可謂用心矣而二子皆不克令終何也

又

以秦王俊為河南道行臺尚書令洛州刺史領關東兵

洛州治

癸亥以長沙王叔堅為驃騎將軍開府儀同

洛陽

三司揚州刺史

驃匹
妙翻

蕭摩訶為車騎將軍南徐州刺史

封綏遠公始興王家金帛累巨萬悉以賜之以司馬申

為中書通事舍人乙丑尊皇后為皇太后時帝病創

初創

良嗣卧承香殿不能聽政太后居柏梁殿百司衆務皆

下同決於太后帝創愈乃歸政焉丁卯封皇弟叔重為始興

王奉昭烈王祀

叔陵既誅以叔重奉昭烈王祀

隋元景山出漢口

漢口

漢水入江之口遣上開府儀同三司鄧孝儒將卒四千攻甌山

鎮將軍陸綸以舟師救之為孝儒所敗

敗補邁翻

湏口甌山

沱陽守將皆弃城走

漢水記自漢口入二百里得湏口有村又三百里得湏城楚邑也漢

安陸縣居之沱陽在沱水之北五代志沱陽郡漢陽縣有沱水湏音云沱柱充翻將即亮翻

戊辰遣

使請和於隋歸其胡墅

去年周羅睺拔胡墅使疏吏翻

己巳立妃沈

氏為皇后辛未立皇弟叔儼為尋陽王叔慎為岳陽王

叔達為義陽王叔熊為巴山王叔虞為武昌王

宣帝諸子唯叔

達後仕於

隋高頴奏禮不伐喪

春秋公羊傳襄公十九年晉士臼帥師侵

唐貴顯

齊至穀聞齊侯卒乃還還者何善辭也何善爾大其不伐喪也

二月己丑隋主詔頴等

班師 三月己巳以尚書左僕射晉安王伯恭為湘州

刺史

湘州治長沙

永陽王伯智為尚書僕射

夏四月庚寅

隋大將軍韓僧壽破突厥於鷄頭山

鷄頭山涇水所出在原州平高縣西

上柱國李充破突厥於河北山

此山蓋在北河之北

丙申立皇

子永康公胤為太子胤孫姬之子沈后養以為子五

月己未高寶寧引突厥寇隋平州

五代志北平郡舊置平州治盧龍

突

厥悉發五可汗控弦之士四十萬入長城

沙鉢略可汗第二可汗達

頭可汗阿波可汗貪

汗可汗凡五可汗

壬戌隋任穆公于翼卒

任古國名謹法

布德執義曰穆中情見貌

曰穆任音壬卒子恤翻

甲子隋更命傅國璽曰受

命璽

更工衡翻璽斯氏翻

六月甲申隋遣使來弔

使疏吏翻

乙酉隋

上柱國李光敗突厥於馬邑

李光當作李充馬邑朔州治所大業初改馬邑縣為

善陽

突厥又寇蘭州

五代志金城郡開皇初置蘭州總管府

涼州總管賀

婁子幹敗之於可洛岐

山無草木曰岐岐古哀翻

隋主嫌長安城

制度狹小又宮內多妖異

妖於騷翻

納言蘇威勸帝遷都帝

以初受命難之夜與威及高頴共議明旦通直散騎庾

季才奏曰臣仰觀乾象俯察圖記必有遷都之事且漢

營此城將八百歲

漢高帝五年徙都長安歲在己亥是年歲在壬寅凡八百四歲惠帝元年

城長安歲在丁未距是年七百九十六年

水皆鹹鹵不甚宜人

京都地大人民加以歲久

壘底墊隘穢惡聚而不泄則水多鹹鹵鹵郎古翻

願陛下協天之心為遷徙

之計帝愕然謂頰威曰是何神也太師李穆亦上表請

遷都帝省表曰天道聰明已有徵應

上時掌翻省志景翻徵證也

太

師人望復抗此請無不可矣

復扶又翻

丙申詔高頰等創造

新都於龍首山

三秦記龍首山長六十里首入渭水尾達樊川頭高二十丈尾漸下可六七丈

色赤舊傳有黑龍從南山出飲渭水其行道因行成迹

以太子左庶子宇文愷有

巧思領營新都副監

晉志太子庶子四人職比散騎常侍中書監令隋分置門下坊左庶

子二人典書坊右庶子二人監者監領營新都事思相吏翻

愷忻之弟也

秋七月

辛未大赦

九月丙午設無尋大會於太極殿

尋與礙同釋氏

書捨身及乘輿御服

乘繩證翻

大赦

丙午以長沙王叔堅

為司空將軍刺史如故

驃騎將軍楊州刺史

冬十月癸酉隋太

子勇屯兵咸陽以備突厥

咸陽在長安西北隔渭水耳屯兵於此以備突厥蓋其兵

勢強盛欲窺長安此亦猶漢霸上棘門細柳之屯耳

十二月丙子隋命新都曰

大興城 乙酉隋遣沁源公虞慶則屯弘化以備突厥

沁源縣公五代志上黨郡有沁源縣後魏置弘化郡治合水開皇六年置慶州沁七鳩翻

行軍總管

達奚長儒將兵二千與突厥沙鉢略可汗遇於周槃

據慶

則傳長儒別道邀賊為虜所圍慶則素營不救則周槃亦當在弘化縣界長儒當作長孺沙鉢略有

衆十餘萬軍中大懼長儒神色慷慨且戰且行為虜所

衝散而復聚

又扶翻

四面抗拒轉鬪三日晝夜凡十四戰

五兵咸盡士卒以拳毆之

毆烏翻

手皆骨見

見賢遍翻孟子曰盡信書

不如無書五兵咸盡士卒奮拳擊虜以言死鬪則可若虜以全師四面虜之安能免乎史但極筆叙長儒力戰之績耳觀者不以辭害意可也殺傷萬計虜氣稍奪於是解去長儒身

被五創通中者二

被皮義翻中竹仲翻

其戰士死者什八九詔以

長儒為上柱國餘勳回授一子時柱國馮昱屯乙弗泊

乙弗泊當在鄯州之西

蘭州總管叱列長义守臨洮

五代志後周武帝逐吐谷

澤置洮陽郡尋立洮州大業初置臨洮郡洮土乃翻

上柱國李崇屯幽州皆為突

厥所敗

敗蒲
邁翻

於是突厥縱兵自木硤石門兩道入寇武

威天水金城上郡弘化延安六畜咸盡

木硤石門兩關
皆在弘化郡平

高縣界此由虞慶則按營不戰達奚長儒孤軍摧衄故沙鉢略縱兵兩道而入然五可汗之兵東西齊舉西自乙弗泊東至幽州盡隋西北二邊無不被寇若武威至延安則達頭沙鉢略之兵耳天水上郡皆古郡天水則秦州上郡則敷州也延安郡後魏置東夏州西魏改為延州畜許又翻沙鉢略更欲南入

達頭不從引兵而去長孫晟又說沙鉢略之子染干

說輸

尚翻詐告沙鉢略曰鐵勒等反欲襲其牙

鐵勒之先本匈奴苗裔種類最

多自西海之東依據山谷往往不絕至北海之南雖姓氏不同總謂之鐵勒

沙鉢略懼迴兵

出塞 隋主既立待遇梁主恩禮彌厚是歲納梁主女

為晉王妃

按隋書蕭后傳及蕭歸傳初皆云歸女詳考之則后本歸生江南風俗二月生子者不舉

后以二月生故季父炭收而養之未幾炭夫妻俱死轉養於舅氏張軻家高祖為晉王選妃於梁徧占諸女皆不吉歸迎后於舅氏占之曰吉遂為王妃又欲以其子瑒尚蘭陵公主

瑒雄杏翻又音

瑒由是罷江陵總管

西魏遷梁主營於江陵置助防日防主後遂置總管今罷之

梁

主始得專制其國

長城公上

諱叔寶字元秀小字黃奴宣帝嫡長子也

至德元年春正月庚子隋將入新都大赦 壬寅大赦

改元 初上病創

創初良翻

不能視事政無大小皆決於長

沙王叔堅權傾朝廷叔堅頗驕縱上由是忌之都官尚

書山陰孔範

山陰漢古縣屬會稽郡

中書舍人施文慶皆惡叔堅

而有寵於上

惡烏路翻下同

日夕求其短

日夕猶言朝夕也

構之於上

上乃即叔堅驃騎將軍本號用三司之儀出為江州刺

史以祠部尚書江總為吏部尚書 癸卯立皇子深為

始安王 二月己巳朔日有食之 癸酉遣兼散騎常

侍賀徹等聘于隋

散志宣翻
騎奇寄翻

突厥寇隋北邊

厥九
勿翻

癸巳葬孝宣皇帝于顯寧陵廟號高宗 右衛將軍兼

中書通事舍人司馬申既掌機密頗作威福多所譖毀

能候人主顏色有忤已者必以微言譖之

忤五
故翻

附已者

因機進之是以朝廷內外皆從風而靡上欲用侍中吏

部尚書毛喜為僕射申惡喜彊直言於上曰喜臣之妻

兄高宗時稱陛下有酒德

周公戒成王曰無若殷王受
之迷亂酖于酒德哉注云言

紂心迷政亂請逐去宮臣

去羌
呂翻

陛下寧忘之邪

邪音

上

乃止上創愈置酒於後殿以自慶引吏部尚書江總以

下展樂賦詩

展舒而陳之也創初良翻

既醉而命毛喜于時山陵初

畢喜見之不憚欲諫則上已醉喜升階陽為心疾仆于

階下移出省中上醒謂江總曰我悔召毛喜彼實無疾

但欲阻我歡宴非我所為耳

言喜以帝所為為非

乃與司馬申謀

曰此人負氣吾欲乞鄱陽兄弟聽其報讐可乎

鄱陽兄弟世祖

諸子也高宗之篡殺劉師知韓子高到仲舉父子以及
始興王伯茂皆毛喜之謀後主怒喜欲以喜乞鄱陽兄
弟聽其報讐於臣為不居
對曰彼終不為官用

陳之臣子率稱

其君願如聖旨中書通事舍人北地傳緯爭之

傳稱緯少依蕭

循蓋循自關中歸緯與之俱南也緯作代翻

曰不然若許報讐欲置先皇何

地上曰當乞一小郡勿令見人事耳乃以喜為永嘉內

史考異曰司馬申傳云右僕射沈君理卒朝議以毛喜代之按君理卒在太建五年非後主時又毛喜傳云

時山陵初畢未及踰年按高祖殂過葬乃葬而云未及踰年恐誤

三月丙辰隋遷于

新都

考異曰隋食貨志正月帝入新宮今從帝紀

初令民二十一成丁減役

者每歲十二番為二十日役減調絹一匹為二丈

後周之制

民年十八成丁今增三歲每歲十二番則三十日役今減為二十日役及調絹減半調徒弗翻

周末權

酒坊鹽池鹽井至是皆罷之

周末官制酒坊收利鹽池鹽井皆禁百姓採用池鹽

則河東池鹽井鹽則蜀中處處有之權古岳翻

祕書監牛弘

隋書牛弘傳弘安定鶉陂人本姓奈

氏父允仕魏賜姓牛氏

上表以典籍屢經喪亂

上時掌翻喪息浪翻

率多散

逸周氏聚書僅盈萬卷平齊所得除其重雜裁益五千

興集之期屬膺聖世

重直龍翻裁與纔同屬之欲翻膺當也

為國之本莫

此為先豈可使之流落私家不歸王府必須勒之以天

威引之以微利則異典必臻觀閣斯積

漢東觀及天祿石渠等閣皆藏

書之所故云觀古玩翻

隋主從之丁巳詔購求遺書於天下每獻

書一卷賚縑一匹

賚洛代翻賜也與也縑絹也說文曰并絲繒

夏四月庚

午吐谷渾寇隋臨洮州刺史皮子信出戰敗死汶州

總管梁遠擊走之又寇廓州州兵擊走之

五代志後周武帝逐吐谷

渾置洮陽郡尋立洮州汶山郡後周置汶州宋白曰晉置廣陽縣於茂州汶山縣西北五十里今不詳其處所後周又立廣陽縣于石鏡山西北六十里至舊廣陽即今縣也又置汶州於此汶讀曰珉隋改會州澆河郡亦周

逐吐谷渾以置廓州

壬申隋以尚書右僕射趙襲兼內史令

古襲

迴翻突厥數為隋寇

厥九勿翻數所角翻

隋主下詔曰往者周齊

抗衡分割諸夏

夏戶雅翻

突厥之虜俱通二國周人東慮恐

齊好之深

好呼到翻

齊氏西虞懼周交之厚謂虜意輕重國

遂安危蓋並有大敵之憂思減一邊之防也朕以為厚

斂兆庶

斂力膳翻

多惠豺狼未嘗感恩資而為賊節之以禮

不為虛費省徭薄賦國用有餘因入賊之物加賜將士

將即亮翻下同

息道路之民務為耕織清邊制勝成策在心凶

醜愚闇未知深旨將大定之日比戰國之時乘昔世之

驕結今時之恨近者盡其巢窟俱犯北邊蓋上天所忿

驅就齊斧

齊讀曰齊言齊戒而授斧鉞於將帥一讀曰資應邵曰利斧也

諸將今行義

兼含有降者納

降戶江翻

有違者死使其不敢南望永服

威刑何用侍子之朝寧勞渭橋之拜

匈奴遣子入侍及來朝渭橋並見漢

宣帝紀朝

於是命衛王爽等為行軍元帥

帥所類翻

分八道

直遙翻

出塞擊之爽督總管李充等四將出朔州道

自馬邑出塞也

已

卯與沙鉢略可汗遇於白道

白道在長城北有白道嶺白道溪

李充言

於爽曰突厥狃於驟勝

狃女久翻

必輕我而無備以精兵襲

之可破也諸將多以為疑唯長史李徹贊成之遂與充

帥精騎五千掩擊突厥大破之

帥讀曰率騎奇寄翻並下

沙鉢略奔

所服金甲潛艸中而遁其軍中無食粉骨為糧加以疾

疫死者甚衆幽州總管陰壽帥步騎十萬出盧龍塞擊

高寶寧寶寧求救於突厥突厥方禦隋師不能救庚辰

寶寧弃城奔磧北

磧七
述翻

和龍諸縣悉平壽設重賞以購

寶寧又遣人離其腹心寶寧奔契丹為其麾下所殺

高寶

寧自齊末據和龍至是
敗滅契歟訖翻又音喫

己丑郢州城主張子譏遣使

請降於隋

郢州治江夏中流之重鎮今欲降隋史言陳
之遠將已離心使疏吏翻下同降戶江翻

隋主以和好不納

好呼
到翻

辛卯隋主遣兼散騎常侍薛

舒兼散騎常侍王劬來聘劬松年之子也

王松年仕齊為通直散騎

侍郎人在下中散志重翻騎奇寄翻

癸巳隋主大雩

隋雩壇在國南十三里啟夏門外道

左

甲子突厥遣使入見于隋

見賢通翻

隋改度支尚書

為民部

度徒洛翻

都官尚書為刑部命左僕射判吏禮兵三

部事右僕射判民刑工三部事廢光祿衛尉鴻臚寺及

都水臺

隴陵如翻

五月癸卯隋行軍總管李晃破突厥於

摩那度口

乙巳梁太子琮入朝于隋賀遷都

朝直通翻

辛酉隋主祀方澤

隋為方丘於宮城之北十四里

隋秦州總管竇榮

定帥九總管步騎三萬出涼州

帥讀曰率

與突厥阿波可汗

相拒於高越原阿波屢敗榮定熾之兄子也

厥九勿翻可從刊入

聲汗音寒寶熾時為太傅

前上大將軍京兆史萬歲坐事配敦煌為

戍卒

敦煌郡瓜州戍徒門翻

詣榮定軍門請自効榮定素聞其名

見而大悅壬戌將戰榮定遣人謂突厥曰士卒何罪而

殺之但當各遣一壯士決勝負耳突厥許諾因遣一騎

挑戰

騎奇寄翻下同挑徒了翻

榮定遣萬歲出應之萬歲馳斬其首

而還

還音旋又如字

突厥大驚不敢復戰

復扶又翻

遂請盟引軍而

去長孫晟時在榮定軍中為偏將

將即亮翻

使謂阿波曰攝

圖每來戰皆大勝阿波纔入遽即奔敗此乃突厥之耻

也且攝圖之與阿波兵勢本敵今攝圖日勝為衆所崇

阿波不利為國生辱攝圖必當以臯歸阿波成其宿計

滅北牙矣

阿波建牙在攝圖之北

願自量度

量音良度徒洛翻

能禦之乎

阿波使至

使疏吏翻下同

晟又謂之曰今達頭與隋連和而攝

圖不能制可汗何不依附天子連結達頭相合為彊此

萬全計也豈若喪兵負臯

喪息浪翻

歸就攝圖受其戮辱邪

邪音耶 阿波然之遣使隨晟入朝沙鉢略素忌阿波驍悍

朝直遙翻驍堅
堯翻悍侯肝翻

自白道敗歸又聞阿波貳於隋因先歸

襲擊北牙大破之殺阿波之母阿波還無所歸西奔達

頭達頭大怒遣阿波帥兵而東

帥讀曰率

其部落歸之者將

十萬騎遂與沙鉢略相攻屢破之復得故地兵勢益彊

貪汗可汗素睦於阿波沙鉢略奪其衆而廢之貪汗亡

奔達頭沙鉢從弟地勤察別統部落與沙鉢略有隙復

以衆叛歸阿波

從才用翻
復扶又翻

連兵不已各遣使詣長安請

和求援隋主皆不許 六月庚辰隋行軍總管梁遠破

吐谷渾於爾汗山

吐從敬入聲谷音浴汗音寒

突厥寇幽州隋幽

州總管廣宗壯公李崇帥步騎三千拒之

廣宗縣公廣宗漢古縣五

代志屬清河郡厥九勿翻帥讀曰率騎奇寄翻

轉戰十餘日師人多死遂保砂

城突厥圍之城荒頽不可守禦曉夕力戰又無所食每

夜出掠虜營得六畜以繼軍糧

畜許又翻

突厥畏之厚為其

備每夜中結陳以待之

陳讀曰陣下同

崇軍苦飢出輒遇敵死

亡畧盡及明奔還城者尚百許人然多重傷不堪更戰

突厥意欲降之

降戶江翻

遣使謂崇曰若來降者封為特勒

特勒突厥達官新書突厥子弟曰特勒使疏吏翻

崇知不免令其士卒曰崇喪

師徒

令立定翻喪息浪翻

罪當萬死今日効命以謝國家汝俟吾

死且可降賊便散走努力還鄉若見至尊道崇此意乃

挺刃突陳復殺二人

挺拔也

突厥亂射殺之

射而亦翻

秋七月

以豫州刺史代人周搖為幽州總管命李崇子敏襲爵

襲爵廣宗公

敏娶樂平公主之女娥英

隋主受禪周天元

后改封樂平公主

詔假一品羽儀禮如尚帝女既而將侍宴公主謂敏曰我

以四海與至尊唯一壻當為爾求柱國

為于偽翻

若餘官汝

慎勿謝及進見

見賢遍翻

帝授以儀同及開府皆不謝帝曰

公主有大功於我我何得於其壻而惜官乎今授汝柱

國敏乃拜而蹈舞八月丁卯朔日有食之

考異曰隋紀作七

月丁卯蓋歷差

長沙王叔堅未之江州復留為司空

復扶又翻

實奪

之權壬午隋遣尚書左僕射高潁出寧州道內史監

虞慶則出原州道以擊突厥

五代志平涼郡舊置原州監甲暫翻厥九勿翻

九月癸丑隋大赦冬十月甲戌隋廢河南道行臺省

去年二月隋置河南道行臺省以秦王俊為秦州總管隴右諸州盡隸

焉

秦州天水郡

丁酉立皇弟叔平為湘東王叔敖為臨賀

王叔宣為陽山王叔穆為西陽王戊戌侍中建昌侯

徐陵卒

卒子恒翻

癸丑立皇弟叔儉為安南王叔澄為南

郡王叔興為沅陵王叔韶為岳山王叔純為新興王

自湘

東以下皆以郡名疏爵今著後人之所未能偏知者五代志始安郡富川縣舊置臨賀郡熙平郡桂陽縣梁置陽山郡永安郡黃岡縣置西陽郡巴陵郡華容縣舊曰安南置安南郡沅陵縣置沅陵郡信安郡新興縣梁置新興郡岳山郡闕郡縣志巴陵一名天岳山岳山蓋即巴陵以封叔韶沅音元

十一月遣散

騎常侍周墳通直散騎常侍袁彥聘于隋帝聞隋主狀

貌異人使彥畫像而歸帝見大駭曰吾不欲見此人亟

命屏之

散悉重翻騎奇寄翻
更紀力翻屏必耶翻

隋既班律令

前年十月
隋行新律

蘇威屢欲更易事條

更工衛翻
下數更同

內史令李德林曰修律

令時公何不言今始頒行且宜專守自非大為民害不

可數更

數所
角翻

河南道行臺兵部尚書楊尚希曰竊見當

今郡縣倍多於古或地無百里數縣並置或戶不滿千

二郡分領具僚已衆資費日多吏卒增倍租調歲減

徒調

吊民少官多

少詩治
翻下同

十年九牧今存要去

上聲

閑併小為

大國家則不虧粟帛選舉則易得賢良

易以
鼓翻

蘇威亦請

廢郡帝從之甲午悉罷諸郡為州

十二月乙卯隋遣

兼散騎常侍曹令則通直散騎常侍魏澹來聘

散悉直
翻騎奇

寄澹收之族也

魏收事齊以文
名澹徒覽翻

丙辰司空長沙王叔

堅免叔堅既失恩心不自安乃為厭媚

厭一
琰翻

醺日月以

求福或上書告其事

考異曰南史云上陰令人造
其厭媚又令人告之今從陳書

帝

召叔堅囚于西省

門下省為東省
中書省為西省

將殺之令近侍宣敕

數之

數責其罪也數所具翻又所主翻

叔堅對曰臣之本心非有佗故

但欲求親媚耳臣既犯天憲臯當萬死臣死之日必見
叔陵願宣明詔責之於九泉之下帝乃赦之免官而已

因叔堅之言始念其擁護之功此豈少恩而已哉不明故爾

隋以上柱國竇榮定

為右武衛大將軍榮定妻隋主姊安成公主也隋主欲
以榮定為三公辭曰衛霍梁鄧若少自貶損不至覆宗

帝乃止

四姓皆漢外戚也衛氏夷於武帝之末霍族赤於宣帝之時桓帝怒而梁宗誅滅安帝長而鄧

門衰廢事並見漢紀少詩紹翻

帝以李穆功大詔曰法備小人不防君

子太師申公自今雖有臯但非謀逆縱有百死終不推問禮部尚書牛弘請立明堂帝以時事草創不許帝覽刑部奏斷獄數猶至萬斷丁以為律尚嚴密故人多陷罪又敕蘇威牛弘等更定新律除死罪八十一條流罪一百五十四條徒杖等千餘條唯定留五百條凡十二

卷

一日名例二曰衛禁三曰職制四曰戶婚五曰廩庫六曰擅興七曰盜賊八曰鬪訟九曰詐僞十曰雜律

十一曰捕亡十二曰斷獄

自是刑網簡要疎而不失仍置律博士弟

子員

大理寺之屬有律博士八人

隋主以長安倉廩尚虛是歲詔

西自蒲陝東至衛汴

河東郡蒲州恒農郡陝州汲郡衛州陳留郡汴州陝武冉翻汴皮變

翻水次十三州募丁運米

華陝穀洛管汴汾晉蒲絳懷衛相凡十三州

又於

衛州置黎陽倉陝州置常平倉華州置廣通倉

五代志京兆郡

鄭縣後魏置東雍州並華山

郡西魏改曰華州華戶化翻轉相灌輸

輪平聲

漕關東及

汾晉之粟以給長安

水運曰漕關東自函谷關以東州郡五代志文城郡東魏置南汾州

後周改為汾州晉州臨汾郡舊平陽郡也漕在到翻

時刺史多任武將類不稱職

將即亮翻下同稱尺證翻

治書侍御史柳或上表曰

治直之翻上時掌翻

昔漢

光武與二十八將披荊棘定天下及功成之後無所任

職

事見漢光武紀

伏見詔書以上柱國和千子為杞州刺史

五代

志梁郡雍丘縣隋置杞州

千子前任趙州

趙州時治廣阿

百姓歌之曰老禾

不早殺

今人猶呼割稻為殺稻

餘種穢良田

種章勇翻

千子弓馬武用

是其所長治民泣衆非其所解

治直之翻解戶買翻曉也

如謂優老

尚年

尚尊也高也

自可厚賜金帛若令刺舉

漢置刺史掌刺舉郡縣吏故云

然所損殊大帝善之千子竟免或見上勤於聽受百僚

奏請多有煩碎上疏諫曰臣聞上古聖帝莫過唐虞不

為叢脞是謂欽明

書元首叢脞哉孔安國曰叢脞細碎無大略焉云叢總也脞小也堯典曰

放勳欽明文思
臚倉果翻

舜任五臣

孔子曰舜有臣五人而天下治
孔安國曰五臣禹稷契皋陶伯

益堯咨四岳

孔安國曰四岳即羲和之
四子分掌四岳之諸侯

垂拱無為天下

以治

治直吏
翻下同

所謂勞於求賢逸於任使比見陛下留心

治道

比毗至翻
治直吏翻

無憚疲勞亦由羣官懼罪不能自決取

判天旨

判決
也

聞奏過多乃至營造細小之事出給輕微

之物一日之內酌荅百司至乃日旰忘食夜分未寢

古旰

按翻日晏也
夜分半夜也

動以文簿憂勞聖躬伏願察臣至言少減

煩務

少詩
沼翻

若經國大事非臣下裁斷者伏願詳決

斷丁
亂翻

自餘細務責成所司則聖體盡無疆之壽臣下蒙覆育

之賜

覆數
教訓

上覽而嘉之因曰柳或直士國之寶也或以

近世風俗每正月十五夜然燈遊戲奏請禁之

上元燃
燈或云

以漢祠太一自昏至晝故事此說非也梁簡文帝有列
燈詩陳後主有光壁殿遙詠山燈詩則柳或所謂近世

風俗
是也

曰竊見京邑爰及外州每以正月望夜

望夜月之
十五夜也

月旦以日月合謂之朔十
五夜以日月相望謂之望

充街塞陌

塞巷
則翻

聚戲朋遊鳴

鼓聒天燎炬照地竭貲破產競此一時盡室并孥無問

貴賤男女混雜縑素不分穢行因此而成盜賊由斯而

起觀此則上元遊戲之弊其來久矣後之當路者能不惑於世俗奮然革之亦所謂豪傑之士也因循

弊風曾無先覺無益於化實損於民請頒天下並即禁

斷

斷音短

詔從之

資治通鑑卷一百七十五

欽定四庫全書

總校官庶吉士臣侍朝

校對官檢討臣龔大萬

謄錄監生臣朱懷玉

謄錄監生臣張子誠

欽定四庫全書薈要

史部

資治通鑑卷二百七十六
七

詳校官編修臣汪鏞



資治通鑑卷一百七十六 宋 司馬光 撰

胡三省 音註

陳紀十

起開元執徐盡著
雍湑灘凡五年

長城公下

至德二年春正月甲子日有食之 己巳隋主享太廟

辛未祀南郊 壬申梁主入朝于隋

朝直達
翻下同

服通天冠

絳紗袍北面受郊勞及入見於大興殿隋主服通天冠

絳紗袍梁主服遠遊冠朝服君臣並拜

通天冠絳紗袍天子之服也服

天子之服北面以受郊勞示臣服於隋而未至純於臣也遠遊冠朝服諸王見天子之服也入見大興殿純於臣矣大興殿隋新都正殿也唐為西內太極殿遠遊三梁冠黑介憤朝服絳紗單衣白紗內單卑領袖卑襜帶鈎膝假帶方心絳紗蔽膝鞬舄綬劍佩君臣並拜非禮也勞力到翻見賢遍翻襠雜免翻膝丑例翻又敘列翻賜縑萬匹珍玩稱是
稱是言其直與萬縑稱也稱尺證翻
隋前華州

刺史張賓

華戶化翻

儀同三司劉暉等造甲子元厯成

甲子元厯

其要以上元甲子己巳己來至

奏之壬辰詔頒新厯

考

開皇四年歲在甲辰積算起

異曰隋律厯志云二月

癸巳大赦

二月乙巳隋主

撰成奏上今從帝紀

饒梁主於瀨上

梁主歸國故饒之

突厥蘇尼部男女萬餘口

降隋

厥九勿翻尼女夷翻降戶江翻下同

庚戌隋主如隴州

五代志扶風汧源縣

西魏置隴東郡及

東秦州後改隴州

突厥達頭可汗請降於隋

可從刊入聲汗

音寒

考異曰隋帝紀云突厥阿史那玷厥帥其衆來降按時玷厥方疆蓋文降耳

夏四月庚

子隋以吏部尚書虞慶則為右僕射 隋上大將軍賀

婁子幹發五州兵擊吐谷渾

時發河西五州兵蓋涼甘瓜鄯廓也吐從瞰入聲谷

音殺男女萬餘口二旬而還

還音旋又如字

帝以隴西頻被寇

掠而俗不設村塢

塢安古翻壁壘也說文曰小障也一日庫城也通俗文營居曰塢被皮義

翻 命子幹勸民為堡

堡音保 小城也

仍營田積穀子幹上書曰

隴右河西土曠民稀邊境未寧不可廣佃

上時掌翻佃 徒年翻作田

也比見屯田之所

比 毗 至 翻

獲少費多虛役人功卒逢踐暴

少詩沼翻 卒子恤翻

屯田疏遠者請皆廢省但隴右之人以畜牧

為事

畜許 六 翻

若更屯聚彌不自安但使鎮戍連接烽堠相

望

垠戶 遺 翻

民雖散居必謂無慮帝從之以子幹曉習邊事

丁巳以為榆關總管

五代志榆林郡金河縣開皇三年 置榆關總管榆林郡後置勝州

五月以吏部尚書江總為僕射 隋主以渭水多沙

深淺不常漕者苦之六月壬子詔太子左庶子宇文愷

帥水工鑿渠引渭水

帥讀曰率

自大興城東至潼關三百餘

里名曰廣通渠漕運通利關內賴之

秋七月丙寅遣

兼散騎常侍謝泉等聘于隋

散悲豆翻騎奇寄翻

八月壬寅隋

鄧恭公竇熾卒

熾昌志翻卒子恆翻

乙卯將軍夏侯苗請降于

隋

夏戶雅翻降戶江翻

隋主以通和不納

九月甲戌隋主以關

中饑行如洛陽 隋主不喜詞華

喜許記翻

詔天下公私文

翰並宜實錄泗州刺史司馬幼之

五代志下邳郡後魏置南徐州梁改東徐

州陳政安州
後周改泗州

文表華艷付所司治罪治書侍御史趙郡

李諤亦以當時屬文體尚輕薄

治直之翻
屬之欲翻

上書曰魏之

三祖

上時掌翻三祖謂曹魏父子孫太祖
武皇帝高祖文皇帝烈祖明皇帝

崇尚文詞忽

君人之大道好雕蟲之小藝

楊子曰童子雕蟲
篆刻好呼到翻

下之從

上遂成風俗江左齊梁其弊彌甚競一韻之奇爭一字

之巧連篇累牘不出月露之形積案盈箱唯是風雲之

狀世俗以此相高朝廷據茲擢士祿利之路既開愛尚

之情愈篤於是閭里童昏貴遊總丱

童昏言童幼昏蒙
未有知識也鄭玄

曰責遊子弟王公之子弟遊無官司者詩總角也
今毛傳曰總角聚兩髦也非幼稚也非古惠翻未窺

六甲

古者八歲入小學學六甲五方書計之事六甲謂六十甲子也

先製五言

謂五言詩

至

如義皇舜禹之典伊傳周孔之說不復關心

又復扶翻

何嘗

入耳以傲誕為清虛以緣情為勲績指儒素為古拙用

詞賦為君子故文筆日繁其政日亂良由弃大聖之軌

模構無用以為用也今朝廷雖有是詔如聞外州遠縣

仍踵弊風躬仁孝之行

行下孟翻

擯落私門不加收齒工

輕薄之藝者選克吏職舉送天朝

朝直孟翻

蓋由刺史縣令

未遵風教請普加采察送臺推劾

勅戶果翻又戶得翻

又上言士

大夫矜伐干進無復廉恥乞明加罪黜以懲風軌

風軌風述

也上時

詔以諤前後所奏頒示四方

突厥沙鉢略可

汗數為隋所敗

厥九勿翻可從列入聲汗音寒數所角翻敗補邁翻

乃請和親干

金公主自請改姓楊氏為隋主女隋主遣開府儀同三

司徐平和使於沙鉢略更封千金公主

千金

公主宇文氏請於沙鉢略欲復讎及兵敗於外衆離於內乃請為隋主女更封以大義非嘉名也取大義滅親云爾為大義不得其死張本

晉王廣請因豐乘之

豐許親翻

隋主不許沙鉢略遣使致書曰從天生大突厥天下賢

聖天子伊利居盧設莫何沙鉢略可汗致書大隋皇帝

皇帝婦父乃是翁比此為女夫乃是兒例兩境雖殊情

義如一自今子子孫孫乃至萬世親好不絕

好呼到翻

上天

為證終不違負此國羊馬皆皇帝之畜

畜許救翻

彼之繒綵

皆此國之物

繒疾陵翻

帝復書曰大隋天子貽書大突厥沙

鉢略可汗得書知大有善意既為沙鉢略婦翁今日視

沙鉢略與兒子不異時遣大臣往彼省女復省沙鉢略

也

省志景翻復扶又翻

於是遣尚書右僕射虞慶則使於沙鉢略

驍騎將軍長孫晟副之

騎奇寄翻長知兩翻晟承正翻

沙鉢略陳兵列

其珍寶坐見慶則稱病不能起且曰我諸父以來不向

人拜慶則責而諭之千金公主私謂慶則曰可汗豺狼

性過與爭將齧人

齧五結翻堂也

長孫晟謂沙鉢略曰突厥與

隋俱大國天子可汗不起安敢違意但可賀敷為帝女

則可汗是大隋女壻奈何不敬婦翁沙鉢略笑謂其達

官曰須拜婦翁

突厥子弟曰特勒大臣曰葉護曰屈律暖曰何波曰俟利發曰吐屯曰俟斤曰

閻洪達曰頡利發
日達于皆達官也

乃起拜頓顙

顙柔
索翻

跪受璽書以戴於

首

璽斯
氏翻

既而大慙與羣下相聚慟哭慶則又遣稱臣沙

鉢略謂左右曰何謂臣左右曰隋言臣猶此云奴耳沙

鉢略曰得為大隋天子奴虞僕射之力也贈慶則馬千

匹并以從妹妻之

從才用翻
妻七細翻

冬十一月壬戌隋主遣

兼散騎常侍薛道衡等來聘

散悲宜翻
騎奇寄翻

戒道衡當識朕

意勿以言辭相折

折之
舌翻

是歲上於光昭殿前起臨春

結綺望仙三閣各高數十丈

高古
到翻

連延數十間其牕牖

壁帶縣楣欄檻皆以沈檀為之

釋名曰窻聰也於內見外之聰明也牖亦窻也

說文牖穿壁以木為交窻壁帶壁中橫木班固西都賦金釭街壁是為列錢賢註曰以黃金為釭其中街壁納之於壁帶為行列歷歷如錢也懸楣橫木施於前後兩楹之間下不裁構今人謂之掛楣欄檻皆所以凭也施於檐下階際者曰欄施於窻牕之間者曰檻沈檀皆香木縣讀曰懸沈持林翻

珠翠

珠珍珠翠翡翠毛間古莧翻

外施珠簾內有寶牀寶帳其服玩

瑰麗近古所未有每微風暫至香聞數里

瑰工回翻聞音問

其

下積石為山引水為池雜植奇花異卉

卉百草揔名音許偉翻又音諱

上自居臨春閣張貴妃居結綺閣龔孔二貴嬪居望仙

閣並複道交相往來又有王李二美人張薛二淑媛索

昭儀何婕妤江脩容並有寵

梁制貴妃貴嬪貴嫔是為三夫人金章龜鈕紫綬八

千首佩于真玉虎頭鞞淑媛淑儀淑容昭華昭儀昭容修華脩儀修容是為九嬪金章龜鈕青綬八十首虎頭鞞佩采璫玉婕妤容華充華承徽列榮五職位亞九嬪銀印珪鈕父綬虎頭鞞美人才人良人三職散位銅印環鈕墨綬虎頭鞞配賓送遊其上以宮人有文學者翻媛于春翻婕妤音接于

袁大捨等為女學士僕射江總雖為宰輔不親政務日

與都官尚書孔範散騎常侍王瑳等

散悉置翻騎奇寄翻瑳倉何翻

文

士十餘人侍上游宴後庭無復尊卑之序謂之狎客上

每飲酒使諸妃嬪及女學士與狎客共賦詩互相贈答

考異曰平陳記云張貴妃等八人夾坐江總等十人

預宴先令八婦人裝采牋製五言詩十客一時繼和稽

緩則罰酒今

采其尤艷麗者被以新聲

被皮義翻

選宮女千

從陳書南史

餘人習而歌之分部迭進其曲有玉樹後庭花臨春樂

等

五代志後主於清樂中造黃鸝留及玉樹後庭花金釵兩鬢垂等曲與幸臣製其歌詞綺艷相高極於輕

薄男女唱和其音甚哀臨春樂

者言臨春閣之樂也樂音洛

大略皆美諸妃嬪之容

色君臣酣歌自夕達旦以此為常張貴妃名麗華本兵

家女為龔貴嬪侍兒上見而悅之得幸生太子深貴妃

髮長七尺其光可鑑

長直亮翻

性敏慧有神彩進止詳華

詳審

而華麗也每瞻視眊眊

仰視曰瞻正觀曰視斜視曰眊旁視曰眊眊莫旬翻眊洛代翻

光采

溢日照映左右善候人主顏色引薦諸宮女後宮咸德

之競言其善又有厭魅之術

厭魅所謂婦人媚道也厭一琰翻魅音媚

常置

淫祀於宮中聚女巫鼓舞上怠於政事百司啟奏並因

宦者蔡脫兒李善度進請上倚隱囊

隱囊者為囊實以細軟置諸坐側坐

倦則側身曲肱以隱之隱於靳翻

置張貴妃於膝上共決之李蔡所不

能記者貴妃並為條疏

疏分也為于偽翻

無所遺脫因參訪外

事人間有一言一事貴妃必先知白之由是益加寵異

冠絕後庭

冠古玩翻

宦官近習內外連結援引宗戚縱橫不

法

援于元翻橫下孟翻

賣官鬻獄貨賂公行賞罰之命不出于外

言出命不由中書而出於宮掖也

大臣有不從者因而譖之於是孔張

之權熏灼四方

孔張謂孔貴嬪張貴妃也

大臣執政皆從風諂附孔

範與孔貴嬪結為兄妹上惡聞過失

惡烏路翻

每有惡事孔

範必曲為文飾稱揚贊美由是寵遇優渥言聽計從羣

臣有諫者輒以罪斥之中書舍人施文慶頗涉書史嘗

事上於東宮聰敏彊記明閑吏職

開習也

心筭口占應時

條理由是大被親幸

被皮義翻

又薦所善吳興沈客卿

五代志吳

郡烏程縣舊

陽惠朗徐哲暨慧景等

姓纂周景王封少子於陽樊因邑命

置吳興郡

氏余按春秋之時齊人遷陽子孫蓋以國為氏江南自來有暨姓吳時有暨艷暨戟乙翻

云有吏能

上皆擢用之以客卿為中書舍人客卿有口辯頗知朝

廷典故兼掌金帛局

陳中書省分為二十一局

舊制軍人士人並無

闕市之稅上盛修宮室窮極耳目府庫空虛有所興造

恒苦不給客卿奏請不問士庶並責闕市之征而又增

重其舊於是以陽惠朗為太市令暨慧景為尚書金倉

都令史

梁制太市令屬太府卿秩六百石尚書金倉都令史金部倉部都令史也梁制尚書都令史視

奉朝請恒

二人家本小吏考校簿領纖毫不差然皆不

戶登翻

達大體督責苛碎聚斂無厭

斂力膳翻
厭於鹽翻

士民嗟怨客卿

總督之每歲所入過於常格數十倍

過工
禾翻

上大悅益以

施文慶為知人

臨亂之君各賢
其臣其信然矣

尤見親重小大衆事無

不委任轉相汲引

汲水者引經期必上人
臣之相汲引亦猶是也

珥貂蟬者五

十人

珥市
志翻

孔範自謂文武才能舉朝莫及

朝直
遠翻

從容白

上曰外間諸將起自行伍

從千客翻將即亮翻行戶剛翻

匹夫敵耳深

見遠慮豈其所知上以問施文慶文慶畏範亦以為然

司馬申復贊之

復扶又翻

自是將帥微有過失

帥所類翻

即奪其

兵分配文吏奪任忠部曲以配範及蔡徵由是文武解

體以至覆滅

通鑑具叙陳氏亡國之由

三年春正月戊午朔日有食之 隋主命禮部尚書牛

弘脩五禮勒成百卷戊辰詔行新禮

五禮吉凶軍賓嘉

三月

戊午隋以尚書左僕射高頊為左領軍大將軍 豐州

刺史章大寶昭達之子也

五代志建安郡界陳置閩州後又置豐州章昭達歷事高

祖世祖高宗皆有戰功

在州貪縱朝廷以太僕卿李暈代之暈將

至辛酉大寶襲殺暈舉兵反

隋大司徒郢公王誼

大司

徒周之六官按王誼拜大司徒隋主未受禪也隋既受禪改周之六官司徒列於三公不應復加大字與

隋主有舊

王誼少與隋主同學

其子尚帝女蘭陵公主帝待之恩

禮稍薄誼頗怨望或告誼自言名應圖識相表當王

相志

亮公卿奏誼大逆不道壬寅賜誼死 戊申隋主還長

安

去年九月隋主如洛陽今還

章大寶遣其將楊通攻建安不克

以此觀之陳之豐州治閩縣而建
安縣自別置建安郡將即亮翻

臺軍將至大寶衆潰

逃入山為追兵所擒夷三族

隋度支尚書長孫平

元年

隋已改度支為民部志作工部尚書長孫平度徒洛翻長知兩翻

奏令民間每秋家出

粟麥一石以下貧富為差儲之當社委社司檢校以備

凶年名曰義倉隋主從之五月甲申初詔郡縣置義倉

時民間多妄稱老小以免賦役

隋承周制男女三歲已下為黃十歲已下為小

六十者為老

山東承北齊之弊政

北齊高齊言北齊者以別蕭氏之南齊

戶口

租調姦偽尤多隋主命州縣大索貌閱

調徒弔翻索山客翻貌閱者閱

其貌以驗
老小之實

戶口不實者里正黨長遠配

隋頒新令制人
五家為保保有

長保五為閭閻四為族皆有正畿外置里正
比閭正黨長比族正以相檢察焉長知兩翻

大功以下

皆令析籍以防容隱

堂兄弟其
服大功

於是計帳得新附一百

六十四萬餘口高頴請為輸籍法徧下諸州

輸籍凡民
間課輸皆

籍其數使州縣長吏不得
以走弄出沒下戶嫁翻

帝從之自是姦無所容矣諸

州調物每歲河南自潼關河北自蒲坂輸長安者相屬

於路

調徒弔翻
屬之欲翻

晝夜不絕者數月

梁主殂謚曰孝明

皇帝廟號世宗世宗孝慈儉約境內安之太子琮嗣位

綜藏
宗翻

初突厥阿波可汗既與沙鉢略有隙

厥九勿翻
可從刊入

聲汗音寒有隙
事始上卷元年

阿波浸疆東距都斤

都斤突厥中山名
沙鉢略初立建牙

於此

西越金山龜茲鐵勒伊吾及西域諸胡悉附之

伊吾

之地吐屯設主之蓋突厥
所署置也龜茲音丘慈

號西突厥

突厥自是
分為東西

隋主亦

遣上大將軍元契使于阿波以撫之

使疏
吏翻

秋七月庚

申遣散騎常侍王話等聘于隋

散惹亶翻
騎奇寄翻

突厥沙鉢

略既為達頭所困

達頭資阿波以兵使攻沙
鉢略是為其所困者也

又畏契丹

西既為達頭所困東又畏契
丹見逼契欺訖翻又音吃

遣使告急於隋請將部落

度漠南寄居白道川

欲南傍長城下倚隋為援使疏吏翻將即亮翻又如字

隋主

許之命晉王廣以兵援之

晉王廣時為并省北邊皆屬焉故命以兵援沙鉢略

給

以衣食賜之車服鼓吹

吹昌瑞翻

沙鉢略因西擊阿波破之

借隋兵之勢以獲勝

而阿拔國乘虛掠其妻子官軍為擊阿拔敗

之

為千偽翻敗補遺翻

所獲悉與沙鉢略沙鉢略大喜乃立約以

磧為界

磧七迹翻

因上表曰天無二日土無二王

此語本之孟子上時

字翻下同

大隋皇帝真皇帝也豈敢阻兵恃險偷竊名號今

感慕淳風歸心有道屈膝稽顙

稽音啟顙桑黨翻

永為藩附遣

其子庫合真入朝

考異曰隋突厥傳作窟合真今從帝紀朝直遥翻

八月丙戌

庫合真至長安隋主下詔曰沙鉢往雖與和

往已往也言往事也

猶是二國今作君臣便成一體因命肅告郊廟普頒遠

近凡賜沙鉢略詔不稱其名宴庫合真於內殿

突厥馮陵諸夏

周齊屈體結之今沙鉢略奉表稱臣遣子入覲隋主
告之郊廟布之臣庶大其事也宴之於內殿親之也

見皇后賞勞甚厚

見賢通翻勞力到翻

沙鉢略大悅自是歲時貢

獻不絕九月將軍湛文徹侵隋和州隋儀同三司費

寶首擊擒之

費扶沸翻姓也

丙子隋使李若等來聘冬十

月壬辰隋以上柱國楊素為信州總管

五代志巴東郡梁置信州隋置

楊素於永安將使之為舟師以伐陳也

初北地傅綽

綽作代翻

以庶子事上

於東宮及即位遷祕書監右衛將軍兼中書通事舍人

負才使氣人多怨之施文慶沈客卿共譖綽受高麗使

金上收綽下獄

麗力知翻使疏吏翻下戶嫁翻

綽於獄中上書曰夫君

人者恭事上帝子愛下民省嗜欲遠諂佞未明求衣日

盱忘食

中上時掌翻夫音扶遠于願翻盱古按翻

是以澤被區宇

被皮義翻

慶流

子孫陛下頃來酒色過度不虔郊廟大神專媚淫昏之

鬼

謂寵張貴妃使女巫鼓舞於宮中而淫祀也

小人在側宦豎弄權惡忠直

若仇讎視生民如草芥後宮曳綺繡廐馬餘菽粟百姓

流離殍尸蔽野貨賄公行帑藏損耗神怒民怨衆叛親

離臣恐東南王氣自斯而盡

惡烏路翻殍居良翻帑它朗翻藏徂浪翻王于况翻

又如書奏上大怒頃之意稍解遣使謂綽曰我欲赦卿

卿能改過不

使疏吏翻不讀曰否

對曰臣心如面臣面可改則臣

心可改上益怒令宦者李善慶窮治其事遂賜死獄中

治直之翻

上每當郊祀常稱疾不行故綽言及之是歲梁

大將軍戚所_以舟師襲公安不克而還

公安陳荊州治所新許斤翻還

音族又如字

隋主徵梁主叔父太尉吳王岑入朝拜大將軍

封懷義公因留不遣

朝直送翻

復置江陵總管以監之

隋罷江陵

總管見上卷陳高宗太建十四年復扶又翻監工銜翻

梁大將軍許世武密以城

召荊州刺史宜黃侯慧紀

宜黃古縣吳立屬臨川郡隋併省

謀泄梁主

殺之慧紀高祖之從孫也

從才用翻

隋主使司農少卿崔

仲方發丁三萬於朔方靈武築長城東距河西至綏州

五代志隴陰郡西魏置綏州

綿歷七百里以遏胡寇

四年梁改元廣運 甲子党項羌請降於隋

隋書党項羌者三苗

之後也自稱獼猴種東接臨洮西平西拒葉護南北數千里每姓別為部落党底朗翻降戶江翻

庚

午隋頒歷於突厥

班歷則稟受正朔矣

二月隋始令刺史上佐

每歲暮更入朝上考課

上佐謂長史司馬更工衡翻上時掌翻

丁亥隋

復令崔仲方發丁十五萬於朔方以東緣邊險要築數

十城

朔方郡夏州復扶又翻

丙申立皇弟叔謨為巴東王叔顯

為臨江王叔坦為新會王叔隆為新寧王

五代志歷陽郡為江縣陳

為臨江郡南海郡新會縣舊置新會郡信安郡新興縣梁置新寧郡

庚子隋大赦 三

月己未洛陽男子高德上書請隋主為太上皇傳位皇

太子帝曰朕承天命撫育蒼生日旰食猶恐不逮

肝古

安豈效近代帝王傳位於子自求逸樂者哉

言不效齊武成周天

元也樂音洛

夏四月己亥遣周碻等聘于隋

碻薄官翻

三月

丁巳立皇子莊為會稽王

會古外翻

秋八月隋遣散騎常

侍裴豪等來聘

散悉宣翻騎奇寄翻

戊申隋申明公李穆卒

隋以

李穆能知幾保身故葬以殊禮

閏月丁卯隋太子勇

諡曰明辛子恤翻

鎮洛陽 隋上柱國郕公梁士彥討尉遲迥

事見一百七十四卷

高宗太建十二年尉紆勿翻

所當必破代迴為相州刺史

相息亮翻

隋主

忌之名還長安上柱國杞公宇文忻與隋主少相厚

少詩

照翻善用兵有威名隋主亦忌之以譴去官

忻為右領軍大將軍

以

柱國舒公劉昉皆被疎遠

被皮義翻遠于願翻以當作與

閒居無事頗

懷怨望數相往來

數所角翻

陰謀不軌忻欲使士彥於蒲州

起兵

蒲州蒲坂河津之要去長安三百餘里

已為內應士彥之甥裴通預

其謀而告之帝隱其事以士彥為晉州刺史

晉州平陽用武之地

周齊兵爭以為重鎮

欲觀其意士彥忻然謂昉等曰天也又請儀

同三司薛摩兒為長史帝亦許之後與公卿朝謁

朝直送翻

下帝令左右執士彥忻昉於行間詰之

行戶剛翻詰去吉翻

初猶

不伏捕薛摩兒適至命之庭對

於殿庭面質其事

摩兒具論始

末士彥失色顧謂摩兒曰汝殺我丙子士彥忻昉皆伏

誅叔姪兄弟免死除名九月辛巳隋主素服臨射殿命

百官射三家資物以為誠

三人者與隋主有舊又有異戴之功而謀為不軌故為之

素服而又以誠百官

冬十月己酉隋以兵部尚書楊尚希為禮

部尚書隋主每旦臨朝日昃不倦尚希諫曰周文王以

憂勤損壽武王以安樂延年

鄭玄注禮記有是言是阻力翻樂音洛

願陞

下舉大綱責成宰輔繁碎之務非人主所宜親也帝善

之而不能從

癸丑隋置山南道行臺於襄州

襄州治襄陽其

地在長安南山之南

以秦王俊為尚書令俊妃崔氏生男隋主喜

頒賜羣官直祕書內省博陵李文博家素貧

曹魏藏書在祕書中

外三閣是時祕書已有內外之分矣隋氏開獻書之路
名天下工書之士補續殘缺為正副二本藏于宮中其
餘以實祕書內外之閣故置直
祕書內省之官博陵郡定州人往賀之文博曰賞罰

之設功過所存今王妃生男於羣官何事乃妄受賞也

聞者愧之 癸亥以尚書僕射江總為尚書令吏部尚

書謝朓為僕射

朓直祐翻

十一月己卯大赦 吐谷渾可

汗夸呂在位百年

夸呂隋書吐谷渾傳作呂夸

屢因喜怒廢殺太子

後太子懼謀執夸呂而降

降戶江翻下同

請兵於隋邊吏秦州

總管河間王弘請以兵應之

秦州天水郡河間王弘隋主從祖弟

隋主不

許太子謀洩為夸呂所殺復立其少子嵬王訶為太子

復扶又翻下同少

疊州刺史杜粲

五代志臨洮郡疊川縣後周置疊州宋白

詩照翻嵬五仄翻

曰以其地山

請因其疊而討之

疊許翻

隋主又不許是歲

多重疊也

鬼王訶復懼誅謀帥部落萬五千戶降隋遣使詣闕請

兵迎之

帥讀曰率使疏吏翻下同

隋主曰渾賊風俗特異人倫

言其去人

倫與中國異俗

父既不慈子復不孝朕以德訓人何有成其惡

逆乎乃謂使者曰父有過失子當諫爭

爭與諍同音則進翻

豈可

潛謀非法受不孝之名溥天之下皆朕臣妾各為善事

即稱朕心

稱尺證翻

鬼王既欲歸朕唯教鬼王為臣子之灋

不可遠遣兵馬助為惡事

隋主可謂有君人之言矣

鬼王訶乃止

禎明元年春正月戊寅大赦改元

癸巳隋主享太廟

乙未隋制諸州歲貢士三人 二月下巳隋主朝日

于東郊

五代志禮天子以春分朝日於東郊秋分夕月於西郊漢法不俟二分於東西郊常以郊泰時

日出竹宮東向揖日其夕西向揖月魏文譏其煩褻似家人之事而以正月朝日于東門之外前史又以為非

時及明帝太和元年二月丁亥朝日于東郊八月己丑夕月於西郊始合於古後周以春分朝日於國東門外

為壇如其郊用特牲青幣青圭有邸皇帝乘青輅及祀官俱青冕執事者青弁燔燎如圓丘秋分夕月於國西

門外為壇於垣中燔燎禮如朝日隋開皇初於國東春明門外為壇每以春分朝日又於國西開遠門外坎中

為壇每以秋分夕月牲幣與周同朝直遥翻

遣兼散騎常侍王亨等聘于

隋散卷壹翻 騎奇寄翻

隋發丁男十萬餘人修長城二旬而罷

夏四月於楊州開山陽瀆以通運

楊州治廣陵山陽縣屬焉按春秋吳城邗

溝通江淮山陽瀆通於廣陵尚矣隋特開而深廣之將以伐陳也

突厥沙鉢略可汗

遣其子入貢于隋因請獵於恒代之間

拓拔氏始都平城建為代都置

司州及代都尹後遷洛陽改司州為恒州故曰恒代也厥九勿翻可從刊入聲汗音寒恒戶登翻

隋主

許之仍遣人賜以酒食沙鉢略帥部落再拜受賜

帥讀曰率

沙鉢略尋卒隋為之廢朝三日

卒子恆翻為于偽翻朝直遙翻

遣太常

帛祭初沙鉢略以其子雍虞閭懦弱

懦弱乃卧翻又奴亂翻

遺令立

其弟葉護處羅侯

葉護突厥達官

雍虞閭遣使迎處羅侯將立

之

使疏吏翻下同

處羅侯曰我突厥自木杆可汗以來多以弟

代兄

逸可汗捨其子而立木杆木杆捨其子而立佗鉢佗鉢卒攝圖大邏便遂至爭國事並見前杆古按

翻

以庶奪嫡失先祖之法不相敬畏

謂大邏便嘗辱菴羅叉與沙鉢略為

敵達頭又從而助之也

汝當嗣位我不憚拜汝雍虞閭曰叔與我

父共根連體我枝葉也豈可使根本反從枝葉叔父屈

於卑幼乎且亡父之命何可廢也願叔勿疑遣使相讓

者五六處羅侯竟立是為莫何可汗以雍虞閭為葉護

遣使上表言狀隋使車騎將軍長孫晟持節拜之

可從刊入

聲汗音寒使疏吏翻上時掌翻
騎奇寄翻拜莫何為可汗也

賜以鼓吹幡旗

吹昌瑞翻

莫

何勇而有謀以隋所賜旗鼓西擊阿波阿波之衆以為

得隋兵助之多望風降附遂生擒阿波

降戶江翻

吳曰隋突厥傳考

前云沙鉢略西擊阿波破擒之後又云虞羅戍生擒阿
波長孫晟傳曰虞羅侯因臣奏曰阿波為天所滅與五
六千騎在山谷間伏聽詔旨當取之以獻按前云沙鉢
略破擒之擒衍字耳虞羅戍云當取以獻則是得否未
可必隋安得豫議其死

上書請其死生之命隋主下其

生乎今從突厥傳後

議上時掌翻下戶嫁翻莫何不敢專殺阿波

樂安公元

諧請就彼梟首

梟古充翻

武陽公李充請生取入朝

武陽郡公隋之

魏州武陽郡也

顯戮以示百姓隋主謂長孫晟於卿何

如晟對曰若突厥背誕

杜預曰背誕謂背命故誕陸德明曰背音佩誕音但按今讀從

去聲須齊之以刑今其昆弟自相夷滅阿波之惡非負

國家因其困窮取而為戮恐非招遠之道不如兩存之

左僕射高潁曰骨肉相殘教之蠹也宜存養以示寬大

隋主從之甲戌隋遣兼散騎常侍楊同等來聘

散恙重翻

騎奇奇翻

五月乙亥朔日有食之秋七月己丑隋衛昭

王爽卒

辛子恒翻

八月隋主徵梁主入朝梁主帥其羣臣

二百餘人發江陵

朝直送翻
帥讀曰率

庚申至長安隋主以梁主

在外遣武鄉公崔弘度將兵戍江陵軍至都州

隋無都
州蕭瑄

傳作都州當從之五代志竟陵郡樂鄉縣西魏置都
州又南郡紫陵縣其城南面梁置都州都市灼翻

梁

主叔父太傅安平王巖弟荊州刺史義興王瓚等

瓚戶
官翻

恐弘度襲之乙丑遣都官尚書沈君公詣荊州刺史宜

黃侯慧紀請降

降戶
江翻

九月庚寅慧紀引兵至江陵城下

辛卯巖等驅文武男女十萬口來奔隋主聞之廢梁國

梁敬帝紹泰元年後梁中宗即
帝位更三主三十三年而亡

遣尚書左僕射高潁安

集遺民

射實謝翽類居永翽

梁中宗世宗各給守冢十戶拜梁王

琮上柱國賜爵莒公 甲午大赦 冬十月隋主如同

州癸亥如蒲州 十一月丙子以蕭巖為開府儀同三

司東楊州刺史蕭巖為吳州刺史

五代志會稽郡梁置東楊州吳郡陳置吳

州

丁亥以豫章王叔英兼司徒 甲午隋主如馮翊

親祠故社

隋志生於馮翊猶漢祀豐粉榆社之意然親祠則禮重於漢矣

戊戌還長安

還從宣翽又音如字

是行也內史令李德林以疾不從

從才用翽

隋主

自同州敕書追之

追名也

與議伐陳之計及還帝馬上舉

鞭南指曰待平陳之日以七寶裝嚴公使自山以東無

及公者

言又將顯貴之使出於等夷李德林山東人

初隋主受禪以來與

陳鄰好甚篤每獲陳謀皆給衣馬禮遣之

好呼到翻謀徒協翻問探

之而高宗猶不禁侵掠故太建之末隋師入寇會高宗

殂隋主即命班師

事見上卷太建十四年殂祚乎翻

遣使赴弔

使疏吏翻

書

稱姓名頓首帝答之益驕書末云想彼統內如宜此字

宙清泰隋主不悅以示朝臣

朝直遥翻

上柱國楊素以為主

辱臣死再拜請罪隋主問取陳之策於高頴對曰江北

地寒田收差晚江南水田早熟量彼收穫之際

類居永
翻量音

良徵徵士馬聲言掩襲彼必屯兵守禦足得廢其農時

彼既聚兵我便解甲再三若此彼以為常後更集兵彼

必不信猶豫之頃我乃濟師

此濟師謂
舉兵濟江

登陸而戰兵氣

益倍

謂兵既登岸後限大江士無反
顧之心有必死之志其氣益倍

又江南土薄舍多

茅竹所有儲積皆非地窖

害古
孝翻

若密遣行人因風縱火

待彼修立復更燒之

復扶
又翻

不出數年自可財力俱盡隋

主用其策陳人始困於是楊素賀若弼及光州刺史高

勸號州刺史崔仲方等

五代志弋陽郡梁置光州引畧郡隋置號州若人者翻勸音邁

爭獻平江南之策仲方上書曰今唯須武昌以下斬和

滁方吳海等州

上時掌翻武昌陳為郡隋平陳廢為縣屬江夏郡五代志斬春郡後齊置羅州

後周改曰蕪州歷陽郡後齊置和州江都郡清流縣舊

置南譙州改曰滁州六合縣後齊置秦州後周改曰方

州江都郡本南充州後周改曰吳州

更帖精兵

帖添

密

東海郡東魏海州蕪居依翻又音其

營度計益信襄荆基郢等州

蜀郡益州巴東郡信州襄陽郡襄州南郡荊州竟陵

郡豐鄉縣西魏置基州弋陽郡定城縣舊置郢州

速造船楫多張形勢為水戰

之具蜀漢二江是其上流

蜀江出三峽過南郡漢江過襄陽竟陵沔陽而二江合流

國於東南者二
江其上流也

水路衝要必爭之所賊雖流頭荆門延

州公安巴陵隱磯夏首蘄口湓城置船

水經注江水過夷陵而東至流

頭灘其水峻激奔暴魚鼈所不能游行者苦之又出西陵峽而東歷荆門虎牙之門荆門之下為延州又東過南郡而東右與油水合謂之油口油口即公安也又東過長沙下雋縣北與湘水會匯為洞庭而得巴陵又東至彭城磯磯北對隱磯夏首即夏口以夏水入江而得名屈原哀郢過夏首而西浮江水又東過蘄春縣與蘄水會謂之蘄口又東至尋陽得湓浦有湓城皆沿江要害之地也夏戶雅翻然終聚漢口峽

口以水戰大決

漢口即夏口峽口西陵峽口

若賊必以上流有軍令

精兵赴援者下流諸將即須擇便橫度如擁衆自衛上

江諸軍鼓行以前

將即亮翻上江諸軍謂蜀江漢江順流東下之軍也

彼雖恃九

江五湖之險非德無以為固徒有三吳百越之兵非恩

不能自立矣隋主以仲方為基州刺史及受蕭巖等降

降戶隋主益忿謂高頴曰我為民父母豈可限一衣帶

水不拯之乎命大作戰船人請密之隋主曰吾將顯行

天誅何密之有使投其梯於江

梯方廢翻斫木札也

曰若彼懼而

能改吾復何求

復扶又翻

楊素在永安

蜀先主敗於梯歸退還白帝起永安宮居

之故已東有永安之名

造大艦名曰五牙

艦戶點翻

上起樓五層高百

餘尺左右前後置六拍竿

拍竿發之以拍敵船

並高五十尺

高古號翻

容戰士八百人次曰黃龍置兵百人自餘平乘舴艋各

有等差

舴艋格翻舴莫幸翻

晉州刺史皇甫績將之官稽首言陳

有三可滅

之往也之官往服官事也稽音啟

帝問其狀曰大吞小一也

以有道伐無道二也納叛臣蕭巖於我有詞三也陛下

若命將出師臣願展絲髮之効隋主勞而遣之

將即亮翻勞力

到時江南妖異特衆

妖於驕翻

臨平湖草久塞忽然自開

臨平

湖在餘杭郡錢塘縣此湖常蓄塞故老相傳湖開則天下平塞悉則翻

帝惡之乃自賣於

佛寺為奴以厭之

惡鳥路翻
厭於業翻

又於建康造大皇寺起七

級浮圖未畢火從中起而焚之吳興章華好學善屬文

朝臣以華素無伐閱

好呼到翻屬之欲翻朝直逞翻
顏師古曰伐積功也閱經歷也競

排詆之除大市令華鬱鬱不得志上書極諫略曰昔高

祖南平百越

謂平盧子略李賁元景仲
蘭裕蕭勃之亂上時掌翻

北誅逆虜

謂平
侯景

世祖東定吳會

謂破新杜
龔張彪

西破王琳

見一百六十八卷
世祖天嘉元年

高宗克復淮南辟地千里

見一百七十一卷太
建五年辟讀曰闢

三祖之

功勤亦至矣陛下即位于今五年不思先帝之艱難不

知天命之可畏溺於嬖寵惑於酒色

溺奴狄翻嬖卑義翻又博計翻

祠

七廟而不出

記天子七廟三昭三穆與太祖之廟而七

拜三妃而臨軒

三妃樊妃

張也老臣宿將

將即亮翻

弃之草莽諂佞讒邪升之朝廷今疆

場日蹙

場音亦

隋軍壓境陛下如不改弦易張

董仲舒曰譬之琴瑟

不調必改而更張之乃可鼓也

臣見麋鹿復遊於姑蘓矣

伍子胥諫吳王而不聽曰

臣見麋鹿遊於姑蘇矣吳卒以亡復扶又翻

帝大怒即日斬之

古語有之殺諫臣者必亡

其國豈不信哉

二年春正月辛巳立皇子恮為東陽王

恮莊緣翻

恬為錢塘

王遣散騎常侍袁雅等聘于隋

散卷重翻
騎奇寄翻

又遣散騎

常侍九江周羅暎將兵屯峽口侵隋峽州

九江郡江南
之壽陽郡江

州治所也夷陵梁置宜州西魏改
曰拓州後周改曰峽州將即亮翻

三月甲戌隋遣兼散

騎常侍程尚賢等來聘戊寅隋主下詔曰陳叔寶據手

掌之地

辛臣說田戎曰
洛陽地如掌耳

恣溪壑之欲

溪壑難盈
故以為喻

劫奪閭

閭資產俱竭驅逼內外勞役弗已窮奢極侈俾晝作夜
斬直言之客滅無罪之家欺天造惡祭鬼求恩盛粉黛
而執干戈曳羅綺而呼警蹕自古昏亂罕或能比君子

潛逃小人得志天災地孽

孽魚列翻

物怪人妖衣冠鉗口

鉗其

廉翻道路以目

國語周厲王監謗道路以目言道路相逢以目相視不敢有言

重以背德

違言搖蕩疆場

重直用翻背蒲妹翻場音亦

晝伏夜遊鼠竊狗盜天

之所覆無非朕臣

覆敷救翻

每闕聽覽有懷傷惻可出師授

律應機誅殄在期一舉永清吳越又送璽書暴帝二十

惡

璽斯氏翻

仍散寫詔書三十萬紙遍諭江外

中原以江南為江外

太子胤性聰敏好文學

好呼到翻

然頗有過失詹事袁憲切

諫不聽時沈后無寵而近侍左右數於東宮往來太子

亦數使人至后所帝疑其怨望甚惡之

數所角翻
惡烏路翻

張孔

二貴妃日夜構成后及太子之短孔範之徒又於外助

之帝欲立張貴妃子始安王深為嗣嘗從容言之

嗣祥
吏翻

從千
容翻吏部尚書蔡徵順旨稱贊袁憲厲色折之曰皇太

子國家儲副億兆宅心卿是何人輕言廢立帝卒從徵

議折之舌翻宅心居
心也卒子恤翻

夏五月庚子廢太子胤為吳興王

立揚州刺史始安王深為太子徵景歷之子也

蔡景歷
歷事陳

高祖世
祖高宗深亦聰惠

惠與
慧同

有志操

操七
到翻

容止儼然雖左右

近侍未嘗見其喜愠帝聞袁憲嘗諫盾即用憲為尚書

僕射帝遇沈后素薄張貴妃專後宮之政后澹然未嘗

有所忌怨澹徒敢翻身居儉約衣服無錦繡之飾唯尋閱經

史及釋典為事釋典佛經也數上書諫爭數所角翻上時掌翻爭側進翻帝

欲廢之而立張貴妃會國亡不果冬十月己亥立皇

子蕃為吳郡王己未隋置淮南行省於壽春行省即行臺也

以晉王廣為尚書令帝遣兼散騎常侍王琬兼通直散

騎常侍許善心聘于隋散悉亶翻騎奇寄翻隋人留於客館琬等

屢請還不聽

還音旋又如字為隋主襄美許善心張本

甲子隋以出師有事

於太廟命晉王廣秦王俊清河公楊素皆為行軍元帥

帥所類翻

廣出六合

六合本漢堂邑縣之地江左立秦郡及尉氏縣後周改秦郡為六合郡隋開皇

初廢郡改尉氏

俊出襄陽

秦王俊以山南道行臺鎮襄陽今自襄陽出指漢口

素

出永安

素鎮永安自永安下三峡

荊州刺史劉仁恩出江陵

荊州治江陵使

劉仁恩出師會楊素東下

蘄州刺史王世積出蘄春

蘄州治蘄春使王世積出師自

蘄口臨江津蘄音機又音其

廬州總管韓擒虎出廬江

廬州治廬江使韓擒虎出

師自橫江渡攻姑孰

吳州總管賀若弼出廣陵

吳州治廣陵使賀若弼自瓜洲渡江

攻京口若人者翻

青州總管引農燕榮出東海

東海郡海州青州治蓋都此蓋

使燕榮以青州之師出朐山渡海以攻南沙也燕因肩翻

凡總管九十兵五十一萬

八千皆受晉王節度東接滄海西距巴蜀旌旗舟楫橫

亘數千里以左僕射高潁為晉王元帥長史

帥所類翻長知兩翻

右僕射王韶為司馬軍中事皆取決焉區處支度

虞昌呂翻

度徒洛翻無所凝滯十一月丁卯隋主親餞將士乙亥至定

城述征記定城去潼關三十里夾道各一城

陳師誓衆

丙子立皇弟叔榮

為新昌王叔匡為太原王 隋主如河東

河東蒲州

十二月

庚子還長安 突厥莫何可汗西擊鄰國中流矢而卒

厥九勿翻可從刊入聲汗音寒中竹仲翻卒子恤翻國人立雍虞閭號頡伽施多

那都藍可汗

為突厥復亂張本頡戶結翻伽求迦翻

隋軍臨江高頡謂

行臺吏部郎中薛道衡曰今茲大舉江東必可克乎道

衡曰克之嘗聞郭璞有言

郭璞晉人知數之士也

江東分王三百

年

王于況翻

復與中國合今此數將周一也

晉元帝南渡即王位於建康歲

在丁丑是年歲在戊申凡二百七十二年

主上恭儉勤勞叔寶荒淫驕侈二

也國之安危在所委任彼以江摠為相唯事詩酒拔小

人施文慶委以政事蕭摩訶任蠻奴為大將皆一夫之

用耳三也

任蠻奴即任忠

我有道而大彼無德而小量其甲士

不過十萬

量音良

西自巫峽東至滄海分之則勢懸而力

弱聚之則守此而失彼四也席卷之勢事在不疑

卷讀曰捲

頽忻然曰得君言成敗之理令人豁然本以才學相期

不意籌略乃爾

爾猶言如此也

秦王俊督諸軍屯漢口為上流

節度詔以散騎常侍周羅睭都督巴峽緣江諸軍事以

拒之

散悉重翻騎奇寄翻

楊素引舟師下三峽軍至流頭灘將軍

戚昕以青龍百餘艘守狼尾灘地勢險峭隋人患之

水經

注江水過流頭灘又東逕古宜昌縣北又東逕狼尾灘其地猶在黃牛峽之西杜佑通典曰狼尾灘今夷陵郡宜都縣界艘蘇

連翻峭七笑翻

素曰勝負大計在此一舉若晝日下船

彼見我虛實灘流迅激制不由人則吾失其便不如以

夜掩之素親帥黃龍數千艘銜枚而下遣開府儀同三

司王長襲引步卒自南岸擊昕別柵大將軍劉仁恩帥

甲騎自北岸趣白沙遲明而至擊之昕敗走悉俘其衆

勞而遣之

帥讀曰率下同艘蘇遣翻柵直羊翻騎奇寄翻趣七喻翻遲直二翻勞力到翻

秋毫

不犯素帥水軍東下舟艦被江

艦音盧被皮義翻

旌甲曜日素

坐平乘大船容貌雄偉陳人望之皆懼曰清河公即江

神也江濱鎮戍聞隋軍將至相繼奏聞施文慶沈客卿

並抑而不言初上以蕭巖蕭瑒梁之宗室擁衆來奔心

忌之故遠散其衆以巖為東楊州刺史瑒為吳州刺史

瑒戶官翻蕭巖蕭瑒來奔及出藩事並見上年

使領軍任忠出守吳興郡以襟

帶二州

任音壬

使南平王嶷鎮江州永嘉王彥鎮南徐州

江州治尋陽南徐州治京口皆緣江重鎮也嶷魚力翻

尋召二王赴明年元會命

緣江諸防船艦悉從二王還都

艦戶 翻

為威勢以示梁人

之來者由是江中無一鬪船上流諸州兵皆阻楊素軍

不得至湘州刺史晉熙王叔文

湘州治 長沙

在職既久大得

人和上以其據有上流陰忌之自度素與羣臣少恩

度 徒

洛翻 少 詩 沼翻

恐不為用無可任者乃擢施文慶為都督湘州

刺史配以精兵二千欲令西上

上時 掌翻

仍徵叔文還朝

朝 直

還翻 下同

文慶深喜其事然懼出外之後執事者持已短長

因進其黨沈客卿以自代未發間二人共掌機密護軍

將軍樊毅言於僕射袁憲曰京口采石俱是要地各須

銳兵五千并出金翅二百緣江上下以為防備

金翅船名

憲

及驃騎將軍蕭摩訶皆以為然

驃匹妙翻騎奇寄翻

乃與文武羣

臣共議請如毅策

未幾韓擒虎濟采石賀若弼拔京口二道並進而陳以亡地有所必守蓋

不待智者而後知也

施文慶恐無兵從已廢其述職

孟子曰諸侯朝於天子曰

述職此以出守

而客卿又利文慶之任

之往也任職也之任往赴所職

藩方為述職

也
已得專權

文慶與客卿時共掌機密文慶若出則客卿得專之

俱言於朝必有

論議不假面陳但作文啟即為通奏

謂朝臣若必有所陳說不須面見陳

主言之但文字來便為問
連為于偽翻下內為同

憲等以為然二人齎啟入白

帝曰此是常事邊城將帥足以當之

將即亮翻
帥所類翻

若出人

船必恐驚擾及隋軍臨江間謀驟至

間古覓翻
謀徒協翻

憲等殷

勤奏請至于再三文慶曰元會將逼南郊之日太子多

從

陳仍梁制以間歲正月上辛祀天地於南北二郊用
特牛一蓋來年正月當行此禮故施文慶云然從才

用翻今若出兵事便廢闕帝曰今且出兵若北邊無事因

以水軍從郊何為不可又曰如此則聲聞鄰境

問音

便

謂國弱後又以貨動江總總內為之遊說

謂眾言雜進
之後文慶又

以貨動江總使之助已說輸尚翻

帝重違其意

重如字

而迫羣官之請乃

令付外詳議總又抑憲等由是議久不決帝從容謂侍

臣曰王氣在此齊兵三來周師再來無不摧敗

齊師三來謂梁

敬帝紹泰元年徐嗣徽任約以齊師襲建康據石頭太平元年復襲破采石與齊蕭軌同入寇逼建康世祖天嘉元年齊將劉伯球慕容恃德助王琳下蕪湖皆敗周師再來謂天嘉元年獨孤威賀若敦入湘川臨海王光大元年宇文直元定助

彼何為者邪都官尚書孔範曰

長江天塹古以為限隔南北

魏文帝伐吳臨江見江濤洶湧歎曰固天所以限南

北也塹七絕翻

今日虜軍豈能飛度邪邊將欲作功勞妄言事

急

將即亮翻

臣每患官卑虜若度江臣定作太尉公矣

孔範自謂

兼資文武故大言自詭立功自晉宋以來率謂三公為太尉司徒司空

或妄言北軍馬

死範曰此是我馬何為而死

言馬若度江必不能北歸將悲為我有亦大言也

帝笑以為然故不為深備奏伎縱酒賦詩不輟

伎梁綺翻女樂

也

是歲吐谷渾裨王拓跋木彌

吐谷渾自亦有拓跋姓裨音卑吐從暇入

聲谷音浴

請以千餘家降隋

降戶江翻

隋主曰普天之下皆是朕

臣朕之撫育俱存仁孝渾賊恠狂妻子懷怖

怖普故翻

並思

歸化自救危亡然叛夫背父不可收納

背蒲妹翻

又其本意

正自避死今若違拒又復不仁若更有音信但宜慰撫
任其自拔不須出兵應接其妹夫及甥欲來亦任其意
不勞勸誘也

所謂叛夫背父妹夫及甥當時必皆有主名而史不詳紀隋書作名王拓拔木彌裨

王亦用漢書語背蒲妹翻誘羊久翻

河南王移茲哀卒隋主令其弟樹

歸襲統其衆

移茲哀降隋見上卷高宗太建十三年哀蒲侯翻卒子恆翻

資治通鑑卷一百七十六